

古逸丛书

古逸叢書

古  
光緒十年甲申  
遵義黎氏刊于  
日本東京使署  
書

重修古逸叢書敘

遵義黎純齋先生光緒初奉使日本治事之暇蒐訪古書所得各本世多未見遂次第刊行經始於壬午告成於甲申凡二十六種都二百卷以中多古本逸編命曰古逸叢書其自序有云古書之流遺何幸復見於異邦而自余得之且以付刊天假此使事歲月從事讀書不可謂非厚幸書成將敘其板運致之官局以與學者共之大哉斯言不歲之名山而公之天下此不獨嘉惠一時後世學子皆

當鑒其耆古之誠而誦其愛士之摯非豪傑  
不能有是舉也張文襄公嘗謂有力好事之  
人刊播古書如歛鮑氏吳黃氏南海伍氏金  
山錢氏五百年中必不泯滅此特書生好名  
之見耳自先生觀之豈值一喙哉先生鑒別  
最精茲編經則覆元至正本易程傳繫辭精  
義影宋紹熙本穀梁傳覆正平本論語集解  
覆舊鈔卷子本唐開元御注孝經影宋蜀大  
字本爾雅皆不可不讀之書子則集唐字道  
德經注摹張參五經文字唐玄度九經字樣

為之影宋台州本荀子錢遵王稱為字大說  
目南宋本莊子注疏僅存十之五用西法影  
照上木其闕者取坊刻成在英疏本校定繕  
補而別集它卷字當之不足則命工仿寫先  
生自言極鉤心鬪角之苦非虛語也影紹熙  
本穀梁傳覆宋本重修廣韻皆有校勘札記  
讀者稱便其它各書大都海外孤本非中土  
所有天下之瓌寶也自先生使節還朝其  
版藏蘇州書局印行既久字多剝蝕杜工部  
草堂詩箋前四十一卷為宋麻沙本尤多漫

漉不可辨識今年孟夏召漉上良工用圖書  
館初印本覆刊最影宋台州本荀子刊補一  
葉影宋本莊子注疏刊補七葉影宋蜀大字  
本尚書釋音刊補三葉影舊鈔孝子原本玉  
篇零本刊補四葉覆麻沙本草堂詩箋刊補  
八十九葉閱半載工始竣精本古籍遂得完  
善既以饜學者之意亦庶幾不負先生之盛  
誼也夫辛酉九月吳縣曹允源

此書宋本古字多誤漉上良工用圖書館初印本覆刊最影宋台州本荀子刊補一葉影宋本莊子注疏刊補七葉影宋蜀大字本尚書釋音刊補三葉影舊鈔孝子原本玉篇零本刊補四葉覆麻沙本草堂詩箋刊補八十九葉閱半載工始竣精本古籍遂得完善既以饜學者之意亦庶幾不負先生之盛誼也夫辛酉九月吳縣曹允源

刻古逸叢書序

予使日本之明年得古書若干種謀次第播  
行屬楊君呈吾任校刻惟夫古籍之僅存與  
燹齋蠹之無常其勢不日趨散亡不止學士  
大夫雖病之而無術以免惟好之而即求求之  
而即傳差足救散於後予非苟為其難也古  
書之流遺何幸復見於異邦而自予得之且  
以付刊焉予亦不自知所以然庸詎知非天之  
有意斯文而啟予贊其始也予患不學久矣  
今天假此使事歲月俾得從事讀書不可謂



非厚幸子曰好古敏以求之請自茲始書成將斂  
其版運致之官局以與學者共之雖然卷帙之  
重而課成於再暮校讐之繁而委積於一人  
或不免抵牾滋多而謏陋如予又不能精勘其  
誤失使讀者快焉其力僅足存此書而已古  
書之不亡古人之精神自寄之豈予所能增  
重而獨至蒐輯之責似若有默以畀予者  
固不敢不勉也書凡二百卷二十六種刻隨所  
獲概還其真無復倫次經始於壬午告成  
於甲申以其多古本逸編遂命之曰古逸叢

書而別條敘目如左光緒十年歲在甲申七月  
遵義黎庶昌序

敘目

影宋蜀大字本爾雅三卷

此書未有將仕郎守國子四門博士臣李

鶚書一行為蜀本真面目最可貴宋諱闕

慎字其為孝宗後繕刻無疑日本再繕之

今又從再繕本影雕展轉撫摹僅存郭廓

而已按後唐平蜀明宗命太學博士李鏐

書五經刊板國子監中見王明清揮塵餘

錄爾雅在五經外豈明清家有五經僅舉  
見本而言與鐫鶚不同據此可以訂誤

影宋紹熙本穀梁傳十二卷

此與揚州汪氏問禮堂繙刻公羊傳同為  
建安余氏家塾本二書均題紹熙辛亥孟  
冬朔日建安余仁仲敬書而此本第十二  
卷末有國學進士余仁仲校正國學進士  
劉子庚同校國學進士陳幾同校國學進  
士張甫同校奉議郎簽書武安軍節度  
判官廳公事陳應行參校五銜余氏萬卷

堂藏書記又題癸丑仲秋重校訖則穀梁  
之成當後公羊二歲矣此次櫺刻俱精有  
取藍勝藍之妙附校札

覆正平本論語集解十卷

此書根源隋唐舊鈔字句與今行本異  
同甚夥往往合於陸氏釋文字畫亦奇古  
卷末題堦浦道祐居士重新命工鏤梓  
正平甲辰五月吉日謹誌正平甲辰當元  
順帝至正二十四年其云重新鏤梓則以  
前有刻本可知然時代無攷矣道祐錢遵

王讀書敏求記及日本別刻題學古神德  
楷法且下逸人貫書者均作道祐予謂當  
從此本作社是又有津藩有造館本論  
語集解亦出舊鈔異同處尤為近古皆卷  
子真面目也天保中有縮刻本

覆元至正本易程傳六卷繫辭精義二卷

程子易傳東都事略直齋書錄解題載  
六卷者是為原本錢遵王猶及見之後世  
通行本併作四卷大失程氏舊第近金  
陵局刻依董氏真卿周易會通區作六

卷實則未見原書此本雖元時坊刻然宋  
諱如貞恒桓慎敦等字多缺筆則元  
繡宋板也所有異同即附於逐行字句下  
是東萊呂氏參定之遺尤為難得原書  
無呂跋今從會通中錄出補刊於後繫  
辭精義二卷董真卿云東萊集周子二  
程子張子諸家經說語錄及二程子門人  
共十四家之說以補之然則館閣書目以為  
託名者誤也惟卷首諸圖為坊賈增入  
覆舊鈔卷子本唐開元御注孝經一卷

孝經註疏序云明皇於先儒註中採摭菁  
英芟去煩亂撮其義理允當者用為註  
解至天寶二年註成頒行天下仍自八分  
御札勒於石碑即今京兆石臺孝經是  
也自石臺行而世幾不知有開元十年之註  
其實石臺即用開元本略加脩改而已此  
本元行沖序完然獨存惜未錄疏然於  
三才章格外注云疏中廣要道章注云疏  
下猶可見元氏分卷之遺經義攷引崇  
文總目云孝經正義三卷邢昺撰初世

傳元行沖疏外餘家尚多皆猥俗褊陋不  
逆行遠咸平中禹等奉詔據元氏本而增  
損焉與文獻通考所引朱白集諸儒之說  
異陳詩庭云叔明僅據行沖疏為本未嘗  
參採諸儒故今本猶止題邢昺校嘗以朱  
錫望所引為正

集唐字老子注二卷

日本有摹刻張參五經文字唐玄度九經  
字樣甚精與石本無異又有南總地名字惠

攷訂晁以道本玉輔嗣老子道德經注今



合以局刻華亭張氏本集張唐二家經字  
為之

影宋台州本荀子二十卷

采子按唐仲友為一重大公案其第四狀  
云仲友以官錢開荀揚文中子韓文四  
書貼黃云仲友所印四子曾送一本與臣  
臣不合收受已行估計價值還納本州軍  
資庫訖此即四種之一卷末有劉向敘目  
題荀卿新書十二卷三十二篇又有王子韶  
同校呂夏卿重校銜名熙寧元年國子監

劉子及校勘官十五人銜名又有仲友後序  
蓋淳熙八年鐫雕熙寧官本板心所題姓  
名即第六狀云蔣輝供共王定等一十  
八人在局開雕者是仲友雖為朱子所  
劾而此書校刻實精錢遵王稱為字大  
悅目信然

影宋本莊子注疏十卷

南宋槧本每卷首題南華真經注疏卷第  
幾次題莊子某篇某名第幾郭象注次題  
唐西華法師成玄英疏分為十卷與宋藝

文志同又於每卷內題某篇某名第幾耶  
象注以還子玄之舊故分言之則為三十  
三卷合言之則十卷也惟唐藝文志作注  
莊子三十卷疏十二卷四庫未收書目依  
道藏本鈔作三十五卷敏求記又作二十  
卷均未知如何離析此本為日本新見旗  
山所藏字大如錢作蝴蝶裝僅存十分之五  
予見而悅之以金幣為請新見氏重是  
先代手澤不欲售願假以西法影照上木  
而留其真予又列於肆中收得養生主一

卷德充符數葉為新見氏所無并舉而歸  
之然尚闕應帝王以迄至樂因取坊刻本  
成疏校訂繕補而別集他卷字當之不足  
者命工仿寫蓋極鉤心鬪角之苦矣天下  
至大該異日宋本復出取以與此數卷相  
校字體多不類讀者當推原其故也成  
疏稱意而談有郭象注解之曲暢而不蹈  
其玄虛有林希逸口義之顯明而不至流  
於鄙俚且世傳老子西出流沙莫知所終  
疏以為道之屬實尚存唐以前舊聞如

此類甚可喜也子書善本傳世日少世德  
堂六子久為衆所稱貴讀此老莊首三書  
當更快然意滿也

覆元本楚辭集注八卷辨證二卷後語六卷

朱子注楚辭時年已七十識解在詩集傳  
之上世行本雖多往往闕辨證後語此獨  
完整中間宋諱多缺筆亦无緒宋刻與程  
氏易傳同作讀本最善

影宋蜀大字本尚書釋音一卷

武昌張廉卿所藏咸豐初年英縣潘學侯

手摹與士禮居蜀大字本孝經論語行款  
同堂侯詒為黃堯圃顧千里諸人所未見  
不誣也

影舊鈔卷子原本玉篇零本三卷半

此真顧黃門原帙逸千三百年而幸存注  
文之詳莫翅溢出大廣益會本十倍雖僅  
僅十分之一足可視為瓊寶予別有跋篇  
中放部卷末有馬道二字馬道在大和國  
奈良興福寺旁古有學校當是出於此學  
所藏也單行本已出日本紙幣局長得能

良介始從高山寺搜獲系部卷首至環字  
半卷摹刻以印本見詒因另刊補完故一  
卷中有兩次第聞之柏木探古云西京某  
氏尚存一卷在此刻之外但未知何部無  
從羅致耳

覆宋本重修廣韻五卷

此即張氏士俊澤存堂所出之本宋諱闕  
至桓字則徽宗時棄也日本町田久成所  
藏亦倣用西法影照付刻張氏雖名影宋  
而據玉篇集韻改字頗多顧千里曾以無

札記為憾又行款部位間有移易字畫  
俱一一排勻故明秀異常而遜其一種  
樸拙之氣今用張刻校其異同別為札  
記附後

覆元泰定本廣韻五卷

此即四庫提要所謂原本廣韻注文簡  
當者也予以大中祥符重脩本比勘其視  
此書加詳者實祇姓氏地理兩門提要識  
其冗漫亦良有以自重修本盛行此本傳  
世日希以顧亭林之博洽僅得見明內府



中涓本況泰定時槩耶第不知提要所謂  
元初刻版又是何本也卷中匡朗等字時  
有闕筆其為出自宋板無疑惟俗體頗多  
譌舛亦衆今擇其顯然太甚者正之餘悉  
仍舊予見楊若星吾所藏明永樂甲辰  
廣成書堂宣德年間清江書堂兩次繙  
刻即此泰定本注文遞有刊落別有元至  
順庚午刻本刪節尤多然則此本益重可  
貴矣

覆舊鈔卷子本玉燭寶典十一卷

隋著作郎杜臺卿少山撰原十二卷今缺第九卷其書用小戴記月令為主博引經典集證之較周書月令解呂覽四時紀淮南時則訓加詳此為專書故也開皇中奏上號為詳洽陳直齋書錄解題猶載之其亡當在宋以後耳

影舊鈔卷子本文館詞林十三卷半

文館詞林有二本一為高宗顯慶三年原修一千卷一為武后垂拱二年采詞涉規誠以賜新羅國王者五十卷此則一千卷本

也今於林述齋佚存叢書外收得者第

一百五十六卷詩一百五十七卷詩一百五十八

卷詩三百四十七卷頌四百五十二卷碑四百

五十三卷碑四百五十七卷碑四百五十九卷碑

六百六十五卷詔此卷殘六百六十六卷詔六百六

十七卷詔六百七十卷詔六百九十一卷敕六

百九十九卷敕東土僅存之本獲已過半

其中亦有藻書文選所載不盡逸文也

字分大小兩種當以類從未獲者附存目

錄於後

影舊鈔卷子本瑀玉集二卷

通志藝文略作二十卷入類書日本見在  
書目作十五卷入雜傳此僅存兩卷其體  
例每類以二字名篇先撮所引人物為耦  
語冠首再列故事書名於後略似小傳實  
小說家言書法頗勁疑遺唐學生之所  
為末題用祇若干張天平十九年歲在丁  
亥玄宗天  
寶六載某月可攷見唐時卷子本舊式  
惟謔字頗多是必傳鈔之誤原纂不如是

也

影北宋本姓解三卷

雁門邵思纂首有序題大宋景祐二年  
上祀園丘浚五日其書以偏旁分部始人  
終暢凡一百七十部為姓氏譜別裁原槩甚  
精頗類唐石經北宋本之極佳者向山黃  
村所藏

覆永祿本韻鏡一卷

三山張麟之撰有紹興辛巳嘉泰三年兩  
序其說本之鄭樵以為反切之要莫妙於  
此不出四十三轉而天下無遺音矣序末

有慶元丁巳重刊圖記亦宋板也日本享

祿戊子

明嘉靖七年

清原朝臣宣賢繙刻之至

永祿七年

嘉靖四十三年

又以張氏的本重校

影舊鈔卷子本日本見在書目一卷

此記從唐代齋來日本之書皆卷子本也

原鈔出自大和國室生寺謠字甚多國人

曾刻入羣書類從中點畫與此悉同題云

七八百年前之物蟲蝕數字餘亦多可疑

者然一從原文不敢妄改疑以傳疑之義

也又有近是飲肥安并衡書後云右書目

中府收為部千五百七十九為卷一萬六千

七百九十分為四十家七緯不著卷數又據

頭銜蓋寬平中始唐昭宗龍紀元年訖乾甯四年佐世在

與所輯距今九百六十餘年按史先是貞

觀乙未唐僖宗乾符二年冷泉院火圖書蕩然蓋

此目所因而作所以有見在之稱也據此則

唐以前之書卷帙分明原委具在初無所

謂古文逸書好古者當亦灼然知歐陽公

百篇尚存之說其為寓言無疑矣

影宋本史略六卷

宋高似孫續古修似孫有經史子緯騷五  
略子略緯略四庫已著錄騷略見存目  
此史略其佚者也序云依劉向七錄法各  
彙其書而品其指意始寶慶元年十月  
十日畢十一月七日未及一月而書成蓋略採  
衆家評隲之言以明史之綱領而已

影唐寫本漢書食貨志一卷

此食貨志之上卷民世治三字皆缺筆字  
體秀勁當為李唐人書無疑往歲獨山莫  
子偲友芝徵君得唐寫本說文木部六紙



驚為奇寶撰箋異一卷予為手摹以行與  
此可稱兩絕

仿唐石經體寫本急就篇一卷

凡三十四章日本天保八年道光十年小島知

之所書字體摹唐石經工楷雅致作初學

讀本最善

覆麻沙本草堂詩箋四十卷外集一卷補遺十

卷傳序碑銘一卷目錄二卷年譜二卷詩話二

卷

此書前四十一卷宋麻沙本補遺十卷朝鮮

續刻本卷中惟題杜工部草堂詩箋卷  
第幾及嘉興魯訔編次建安蔡夢弼會  
箋者為是餘或稱黃氏或稱集諸家注  
或云杜工部詩史補遺或題臨川黃鶴集  
注建安蔡夢弼校正或單加集注增修等  
皆坊賈妄為奪文譌字不可勝糾蔡箋繁  
而寡要適如錢蒙叟杜注敘例所譏可取  
者編年本獨此耳攷陳景雲注絳雲樓書  
目宋板草堂詩箋云草堂詩有高麗刻本  
如水筒詩何做將軍蓋之句蓋高麗本作

佩注引李貳師拔刀刺泉事錢受之謂較  
蓋字為穩宜從之其為善本可知似未窺  
見全體惟翁覃溪復初齋集有二跋論最  
允當今採附卷末當 四庫開館時覃溪  
為纂修官此箋未經著錄僅收詩話一  
卷想其獲睹全書在提要告成後也

影舊鈔卷子本碣石調幽蘭一卷

陳禎明中會稽丘公明所著琴譜之第五  
卷也予非知音不敢是正以待世之能鑒  
希聲者

影舊鈔卷子本天台山記一卷

唐道士徐靈府撰見直齋書錄解題及通志略其書與瑠玉集皆小說家言以唐人著述日少仿四庫著錄桂林風土記例收之

影宋本太平寰宇記補闕五卷半

四庫著錄原缺自一百十三卷至一百十九卷此宋槧從日本祕閣借出亦殘闕不完幸存闕卷自一百十三至十七及十八之半卷因影照刻補而以太政大臣往來函件附

後以著同文佳話桂林陳蘭森補闕視此  
可廢矣

按日本所存中土逸書古本如唐釋慧琳  
一切經音義一百卷希麟續音義十卷此  
乃小學之匯歸佚文之淵藪有白蓮社刻  
本最為完整可據唐楊上善黃帝內經太  
素注原書三十卷今存二十一卷子獲有傳  
鈔本又曾借閱祕閣古寫卷子本春秋經  
傳集解三十卷其書出自隋唐舊鈔經傳  
字句異同極夥錄有校本又北宋本杜氏

通典二百卷卷末鈐大宋建中靖國元  
年大遼乾統元年高麗十四葉經筵藏  
書圖記槧刻甚精北宋本世說新語三  
卷南宋單疏本尚書正義二十卷興國  
軍本不附釋音春秋左氏傳三十卷南  
宋本集韻十卷胥官庫物又有楊君星  
吾所收繕刻宋蜀大字本任淵山谷詩  
注二十卷皆以卷帙繁重未能謀刻姑  
附記於此以餉好事君子庶昌又識

擬請林北知府林書於子原昌又編

錄之



吾新題



六



山

案本集諸書卷首官制州天百賦

軍本本能野近百卷林去力野三十卷

卷南案單紙本尚書五卷二十卷與

書圖拾遺陳其辭北案本世給

其六盤鏡於天本高樂十

畫與二百卷卷本給天案

影覆宋蜀大  
字本爾雅

古逸叢書之一





古

宅

遵義黎  
氏校刊

年

遠

爾雅序

夫爾雅者所以通詁訓之指歸敘詩人之  
興詠揔絕代之離詞辯同實而殊号者也  
誠九流之津涉六藝之鈐鍵學覽者之潭  
奧摘翰者之華苑也若乃可以博物不惑  
多識於鳥獸草木之名者莫近於爾雅爾  
雅者蓋興於中古隆於漢氏豹鼠旣辯其  
業亦顯英儒瞻聞之士洪筆麗藻之客靡

不欽玩耽味爲之義訓璞不揆擣味少而  
習焉沈研鑽極二九載矣雖註者十餘然  
猶未詳備竝多紛謬有所漏略是以復綴  
集異聞會粹舊說考方國之語采譌俗之  
志錯綜樊孫博關羣言剡其瑕礫塞其蕭  
稂事有隱滯援據徵之其所易了闕而不論  
別爲音圖用祛未寤輒復擁篲清道企望  
塵躅者以將來君子爲亦有涉乎此也

爾雅卷上

郭璞注

釋詁第一

釋言第二

釋訓第三

釋親第四

釋詁第一

初哉首基肇祖元胎俶落權輿始也

尚書  
曰三

月哉生魄詩曰令終有俶又曰俶載南畝又曰訪予落止又曰胡不承權輿胚胎未成亦物之始也其餘皆義

之常行者耳此所以釋古今之異言通俗之殊語林烝天帝皇天后辟

公侯君也

詩曰有壬有林又曰文王烝哉其餘義皆通見詩書

弘廓宏溥



介純夏撫厖墳嘏不弁洪誕戎駿假京碩

濯訃字穹壬路淫甫景廢壯冢簡劉販啞

將業蓆大也詩曰我受命溥將又曰亂如此撫為下國駿厖湯孫奏假王公伊濯訃謨

定命有壬有林厥聲載路既有淫威廢為殘賊爾土宇販章緇衣之蓆兮廓落宇宙穹隆至極亦為大也劉義

未聞尸子曰此皆大二者又為有也撫厖有也詩曰遂撫大東迄

有十餘名而同一實齊楚臻極到赴來弔艘格戾懷摧詹至也會

郊曰懷宋曰屈詩曰先祖於摧又如適之嫁徂逝曰六日不詹詹摧皆楚語方言云

往也方言云自家而出謂來真真錫界予貺賜之嫁猶女出為嫁

也皆賜與也儀若祥淑鮮省臧嘉令類絺縠攻

穀介徽善也詩曰儀刑文王左傳曰禁禦不若詩曰永錫爾類我車既攻介人維藩大

妙嗣徽音省絺縠未詳其義餘皆常語舒業順敘也皆謂次敘舒業順

敘緒也四者又為端緒怡懌悅欣衍喜愉豫愷康妣

般樂也皆見詩悅懌愉釋賓協服也皆謂喜而服從適

遵率循由從自也自猶從也適遵率循也三者又為

循靖惟漠圖詢度咨諏究如慮謨猷肇基

訪謀也國語曰詢于八虞咨于二號度于閔天謀于南宮諏于蔡原訪于辛尹通謂謀議耳如肇

所未詳餘  
皆見詩  
典彝法則刑範矩庸怕律夏職秩常

也庸夏職秩義見詩  
書餘皆謂常法耳  
柯憲刑範辟律矩則法也

詩曰伐柯伐柯其則  
不遠論語曰不踰矩  
辜辟戾辜也皆刑  
黃髮覲

齒鯨背者老壽也  
黃髮髮落更生黃者覲齒齒  
隨更生細者鯨背背皮如鯨

魚者猶耆也皆  
壽考之通稱  
允孚亶展謀誠亮詢信也方

曰荆吳淮汭之間曰展燕岱東  
齊曰謀宋衛曰詢亦皆見詩  
展謀允慎亶誠也

轉相訓也詩  
曰慎爾優遊  
謔浪笑敖戲謔也謂調戲  
也見詩  
粵于

爰曰也  
書曰土爰稼穡詩曰  
對越在天王于出征  
爰粵于也轉相  
訓  
爰

粵于那都繇於也

左傳曰弃甲則那那猶今人云都那也書曰臯陶曰都繇

辭於平皆語之韻絕

故邵盍翕仇偶妃匹會合也

皆謂對合

也

仇讎敵妃知儀匹也

詩云君子好仇樂子之無知實維我儀國語亦

云丹朱馮身儀之讎讎猶儔也廣雅云讎輩也

妃合會對也

皆相當對

妃媿

也

相偶媿也

紹脣嗣續纂綏績武係繼也

詩曰下武

維周綏見釋水餘皆常語

怠諛溢執惠慎貉謏顛頤密盪靜

也

怠顛頤未聞其義餘皆見詩傳

墮碩湮下降墜標霑落也

碩猶墮也方俗語有輕重耳湮沈落也標霑見詩

命令禧眡祈請謁評



誥告也

舊未聞禮記曰眡於鬼神

永悠迴遠遐也

書曰湯矣西土之人

永悠迴遠遐也

遐亦遠也轉相訓

虧壞圯坳

毀也

書曰方命圯族詩曰乘彼坳垣虧通語耳

矢雉引延順薦劉繹

尸旅陳也

禮記曰尸陳也雉順劉皆未詳

尸職主也

左傳曰殺老牛莫之敢尸

詩曰誰其尸之又曰職為亂階

尸窠也

謂窠地

窠窠官也

官地為窠同官

為窠績緒采業服宜貫公事也

論語曰仍舊貫餘皆見詩書

永羨引延融駿長也

宋衛荆吳之間曰融羨所未詳

喬嵩高崇

高也

皆高大貌左傳曰師叔楚之崇也

崇充也

亦為充盛

犯奢果毅

剋捷功肩堪勝也

陵犯誇奢果毅皆得勝也左傳曰殺敵為果肩即剋耳書

曰西伯堪黎

勝肩戡劉殺克也

轉相訓耳公羊傳曰克之者何殺之也

劉獮斬刺殺也

書曰成劉厥敵秋獮為獮應殺氣也公羊傳曰刺之者何殺之也

亶亶面黷沒孟敦昂劓茂劭勛勉也

詩曰亶亶文王黷沒

猶黷勉書曰茂哉茂哉方言云周鄭之間相勸勉為劓劓孟未聞

駑務昏暨強也

馳駑事務皆自勉強書曰不昏作勞暨不畏死

印吾台予朕身甫余言

我也

印猶映也語之轉耳書曰非台小子古者貴賤皆自稱朕禮記云授政任功曰予一人畛於鬼

神曰有某甫言見詩

朕余躬身也

今人亦自呼為身

台朕賚畀卜

陽予也賚卜界皆賜與也與猶予也因通其名耳魯詩云陽如之何今巴璞之人自呼阿陽肅

延誘薦飲晉寅蓋進也禮記曰主人肅客詩曰亂是用飲王之蓋

臣易曰晉進也寅未詳羞餞迪烝進也皆見詩禮炤亮左右

相導也皆謂教導之詔相導左右助勸也勸謂贊勉亮

介尚右也紹介勸尚皆相佑助左右亮也反覆相訓以盡其義緝熙

烈顯昭皓頌光也詩曰學有緝熙于光明又曰休有烈光劼鞏堅

篤擊虔膠固也劼虔皆見詩書易曰鞏用黃牛之革固志也擊然亦牢固之意疇

孰誰也易曰疇離社晔晔皇皇藐藐穆穆休嘉

珍禕懿鑠美也

自穆穆已上皆美盛之貌其餘常語

諧輯協和也

書曰八音克諧左傳曰百姓輯睦

關關嗶嗶音聲和也

皆鳥鳴相

和怨燮和也

書曰燮友柔克

從申神加彌崇重也

隨從彌輔增崇皆所以為重疊神所未詳

鼗悉卒泯忽滅聲空畢鑿

殲拔殄盡也

殲今直語耳忽然盡貌今東呼厭極為鑿餘皆見詩

苞蕪

茂豐也

苞叢繁蕪皆豐盛

拏斂屈收戢蒐哀鳩樓

聚也

禮記曰秋之言摯摯斂也春獵為蒐蒐者以其聚久衆也詩曰屈此羣醜原隰哀矣左傳曰以

鳩其民樓猶今言拘樓聚也

肅齊湔速亟屢數迅疾也

詩曰

仲山甫

寔駿肅亟遄速也

詩曰不寔故也駿猶迅速亦疾也

壑

阮阮滕徭隍濂虛也

壑谿壑也阮阮謂阮漸土也隍城池無水者方言云濂

之言空也皆謂丘墟耳滕徭未詳

黎庶丞多醜師旅衆也

皆見詩

洋觀哀衆那多也

詩曰薄言觀者又曰受福不那洋溢亦多貌

流差

束擇也

皆選擇見詩

戰慄震敬難竦恐懼也

詩曰不難不竦懼即懼也

痛瘖疻積立黃劬勞各頽瘡瘡

鰥戮胤癘瘳痺疴疢閔逐疫疴瘥疢瘡瘳

瘳瘳病也

疴類立黃皆人病之通名而說者便為之馬病失其義也詩曰生我劬勞書曰智藏

瘵在相戮辱亦可取病也今江東呼病曰瘵東齊  
曰瘵禮記曰親瘵色容不盛戮遂未詳餘皆見詩  
恙

寫惺盱繇慘恤罹憂也今人云無恙謂無憂也  
寫有憂者思散寫也詩

曰悠悠我惺云何盱  
矣繇役亦為憂愁  
倫勤邛救勤愉庸瘡勞也

詩曰莫知我勤維王之邛哀我瘡人國語曰無功庸者  
倫理事務以相約救亦為勞勞苦者多情愉今字或作

窳  
同勞來強事謂剪篲勤也詩曰職勞不來自  
勉強者亦勤力者

由事事故為勤也詩曰  
迨其謂之剪篲未詳  
攸傷憂思也皆感  
思也懷惟

慮願念怒思也詩曰怒  
如調飢祿祉履戩被禧褫祛

福也詩曰福履綏之俛爾戩穀被祿  
康矣褫禧書傳不見其義未詳禋祀祠蒸

嘗禴祭也書曰禴于六宗餘者皆以為四時祭名也儼恪祗翼謹

恭欽寅燠敬也儼然敬貌書曰夙夜惟寅詩曰我孔燠矣諍未詳朝旦

夙晨暵早也暵亦明也頤竝替戾底止俟待也

書曰俟我后今河北人語亦然替戾底者皆止也止亦相待嚼幾裁殆危也幾猶

殆也嚼裁未詳躋汽也謂相摩近治肆古故也治未詳肆古見詩書

故今也肆既為故又為今今亦為故故亦為今此義相反而兼通者事例在下而皆見詩惇

亶祐篤擊仍胝埤笠腹厚也頻仍埤益胝輔皆重厚擊然厚

貌餘皆載謨食詐偽也載者言而不信謨者謀而不忠書曰朕不食言話

猷載行訛言也

詩曰慎爾出話猷者道道亦言也周禮曰作盟詛之載今江東通謂

語為行世以妖言為訛

遘逢遇也

謂相遭遇

遘逢遇遘也

復轉

為相觸遘

遘逢遇遘見也

行而相值即是見

顯昭覲釗覲

見也

顯昭明見也逸書曰釗我周王

監瞻臨位規相視也

皆謂

察視也

鞠訕溢盈也

詩曰降此鞠訕

孔魄哉延虛無之

言間也

孔穴延魄虛無皆言間隙餘未詳

瘞幽隱匿蔽竄微也

微謂逃藏也左傳曰其徒微之是也

訖徽安懷安按替戾底底尼

定曷遏止也

安者坐也懷者至也按抑按也替廢皆止住也戾底義見詩傳國語曰戾



久將底孟子曰行或尼之  
今以通相止為過微未詳  
豫射獸也  
詩曰服之無  
烈

績業也  
謂功業也  
績勲功也  
謂功勞也  
功績質登平明

考就成也  
功績皆有成詩曰質爾民人禮記曰年穀不登穀梁傳曰平者成也事有分明

亦成  
桔梗較頰庭道直也  
詩曰既庭且碩頰道

無所  
密康靜也  
皆安靜也  
豫寧綏康柔安也  
皆見

詩  
平均夷弟易也  
皆謂易直  
矢弛也  
弛放弛易也  
相

易  
希寡鮮罕也  
罕亦希也  
鮮寡也  
謂少  
酬酢侑報也

此通謂相報答  
不主于飲酒  
毗劉暴樂也  
謂樹木葉缺落  
見長

第離也

謂草木之叢茸翳蒼也第離即彌離彌離猶蒙龍耳孫叔然字別為義失矣

蟲

諛貳疑也

蟲惑有貳心者皆疑也左傳曰天命不諛音緙

楨翰儀榦也

詩曰維周之翰儀表亦體榦

弼棊輔比輔也

書曰天威棊忱易曰比輔也輔猶輔

也疆界邊衛圍垂也

疆場竟界邊旁營衛守圍皆在外垂也左傳曰聊以

固吾圍也昌敵疆應丁當也

書曰禹拜昌言疆者好與物相當值

淳肩

搖動蠢迪俶厲作也

淳然與作貌蠢動作公羊傳曰俶甚也穀梁傳曰始

厲樂矣肩見書迪未詳

茲斯咨咎已此也

咎已比咎方俗異語

嗟咨

蹉也

今河北人云蹉歎音免置

閑狎串貫習也

串厭串貫貫快也今俗語

皆然曩塵仁淹留久也塵垢佇企淹滯皆稽久逮及既與

也公羊傳曰會及暨皆與也逮亦及也騫假格陟躋登陞也方言曰魯

衛之間曰騫梁益曰格禮記曰天王登遐公羊傳曰躋者何陞也揮盃歇涸竭也

月令曰無漉陂池國語曰水涸而成梁揮振去水亦為竭歇通語拒拭刷清也振

技拭掃刷皆所以為潔清鴻昏於顯間代也鴻鴈知運代昏主代明明亦代

昏顯即明也間錯亦相代於義未詳饁饗饋也國語曰其妻饁之遷運徙也

今江東通秉拱執也兩手持為拱厥熙興也書曰庶績

咸熙厥衛蹶假嘉也詩序曰假樂嘉成王也餘未詳廢稅赦舍

見周官

也

詩曰召伯所稅舍放置

棲遲慙休苦歛隸咽息也

棲遲

遊息也苦勞者宜止息慙見詩淑慝咽皆氣息貌今東齊呼息為咽也

供峙共具也

皆謂備具

懔憐惠愛也

懔韓鄭語今江東通呼為憐

娠蠢震

難妯騷感訛蹶動也

娠猶震也詩曰憂心且妯無感我悅兮或寢或訛蠢

難騷蹶皆搖動貌

覆察副審也

覆校察視副長皆所為審諦

契滅殄

絕也

今江東呼刻斷物為契斷

郡臻仍迺侯乃也

迺即乃餘未詳迪

繇訓道也

義皆見詩書

僉咸胥皆日也

東齊曰胥見方言

育

孟耆艾正伯長也

育養亦為長正伯皆官長

艾歷也

長者多更

歷 歷秭算數也 歷歷數也今以十億為秭論語云何足算也 歷傳也

傳 艾歷覩胥相也 覩謂相視也公羊傳曰胥盟者何相盟也艾歷未詳 艾亂

靖神弗濕治也 論語曰子有亂臣十人濕書序作汨音同耳神未詳餘竝見詩書

頤艾育養也 汝頤梁宋之間曰艾方言云 沃渾墮墜也 沃渾

皆水 際接翠捷也 捷謂相接續也 恣神溢慎也 神未詳餘

見詩 鬱陶繇喜也 孟子曰鬱陶思君禮記曰人喜則斯陶陶斯詠詠斯猶猶

即繇也古 馘濟獲也 今以獲賊耳為馘獲禾為濟竝見詩 阻艱難

也 皆險 剡契各利也 詩曰以我剡耜 允任壬佞也 書曰而難

任人允信者使人  
似信壬猶任也

俾拚抨使也

皆謂使  
今見詩

俾拚抨

使從也

四者又  
為隨從

儀仍因也

皆謂  
因緣

董督正也

皆謂  
御正

享孝也

享祀  
孝道

珍享獻也

珍物宜獻穀梁  
傳曰諸侯不享

覲

縱縮亂也

縱放掣縮  
皆亂法也

探篡俘取也

書曰俘  
厥寶玉

篡者奪取也  
探者摸取也

徂在存也

以徂為存猶以亂為治以  
曩為曩以故為今此皆詰

訓義有反覆旁通  
美惡不嫌同名

在存省士察也

書曰在瞻幾  
玉衡士理官

亦主聽察  
存即在

烈拚餘也

晉衛之間曰曩  
陳鄭之間曰烈

迓迎也

公羊

傳曰跛者  
迓跛者

元良首也

左傳曰狄人歸先  
軫之元良未聞

薦摯臻

也薦進也摯至也故皆為臻臻至也

賡揚續也

書曰乃賡載歌揚未詳

祔禘

祖也

祔付也付新死於祖廟禘毀廟主

即尼也

即猶今也尼者近也尸子曰悅尼而

來遠尼定也

尼者止也止亦定邇幾暱近也

暱親近也

妥妥

坐也

禮記曰妥妥而后傳命貉縮綸也

綸者繩也謂牽縛縮貉之今俗語亦然

貉

嘆安定也

皆靜定見詩

伊維也

發語辭

伊維侯也

詩曰

侯誰在矣互相訓

時寔是也

公羊傳曰寔來者何是來也

卒猷假輟

已也

猷假未詳

求酋在卒就終也

詩曰嗣先公爾酋矣成就亦終

也其餘未詳

崩薨無祿卒徂落殪死也

古者死二尊卑同稱

耳故尚書堯曰殂落舜曰陟方乃死

### 釋言第二

殷齊中也

書曰以殷仲春釋地曰峒齊州以南

斯多離也

齊陳曰斯

詩見

謾興起也

禮記曰

還復返也宣徇徧也

皆周徧也

駟遽傳也

皆轉車驛馬之名

蒙荒奄也

奄奄覆也皆見

詩

告謁請也

皆求請也

肅雍聲也

詩曰肅雍和鳴

格懷

來也

書曰格爾眾庶懷見詩

眈底致也

皆見詩傳

侈怙恃也

江今

東呼母為侈音是

律遁述也

皆敘述也方俗語耳

俞畎然也

禮記



曰男唯女俞畜者應也亦為然豫臚敘也皆陳敘也庶幾尚也詩曰

不尚焉觀指示也國語曰且觀之兵若惠順也詩曰惠然肯來

敖憚傲也禮記曰無憚無傲傲慢也幼鞠稚也書曰不念鞠子哀逸

詈過也書曰汝則有逸罰疑休戾也戾止也疑者亦止疾齊壯

也壯壯事謂速也齊亦疾懾褊急也皆急貿賈市也詩曰

抱布貿絲匪陋隱也禮記曰匪用席書曰揚側陋遏逡逮也齊東

曰遏北燕曰逡皆相及逮征邁行也詩曰王于出征邁亦行圯敗覆也

謂毀覆荐原再也易曰水荐至今呼重蠶為蠶憚救撫也憚受

撫也救義見書臞疥瘠也齊人謂瘠瘦為疥枕頰充也皆充盛也

屢暱亟也親暱者亦數亟亦數也靡罔無也爽差也爽

忒也皆謂用心差錯不專一何貳也何次為副貳劑翦齊也

南方人呼翦刀為劑刀今呼收食飯為餽餽熟為餹媵將送也

左傳曰以勝秦穆姬詩曰遠于將之作造為也方言云養餼食也陳楚之

間相呼食為養鞫究窮也皆窮盡也見詩溷矜鹹苦也溷苦地也

可矜憐者亦辛苦即大鹹干流求也詩曰女右流之流覃也覃

延也皆謂蔓延相被及佻偷也謂苟且潛深也潛深測

也測亦水深之別名穀鞠生也詩曰穀則異室啜茹也啜者拾食茹

虞度也皆測度也詩曰不可以茹試式用也見詩書誥誓言謹

也皆所以約勒謹戒衆競逐彊也皆自勉強禦圍禁也禁制室

墮塞也謂塞孔穴黼黻彰也黼文如斧黻文如兩已相背膺身

親也謂躬親愷悌發也發發行也詩曰齊子愷悌髦士官也

取俊士令居官畷農夫也今之耆夫是也蓋割裂也蓋未詳邕

支載也皆方俗語亦未詳誣諉累也以事相屬累為誣諉漠察清

也皆清明庇麻廕也今俗語呼樹蔭為麻穀履祿也書曰既富

方穀詩曰履禮也禮可以履隱占也隱逆迎也

福履將之見詩增益也今江東通言增窶貧也謂貧

憊曾也發語辭增益也今江東通言增窶貧也謂貧

營基設也亦為造設棋祥也謂徵棋吉也祥吉之兆

域也謂塋界肇啟也書曰肇挾藏也今江東通言挾浹徹

也謂露徹替日廢也替滅也亦為滅絕速徵也徵召

也易曰不速之客琛寶也詩曰來獻其琛探試也刺探髦選也

後士士中之後如髦俊也毛中之髦俾職也使供職紕飾也

謂緣飾見詩

凌慄也

凌據戰慄

慄感也

戰慄者憂感

蠲明也

蠲清

明貌

茅明也

左傳曰前茅慮無

明朗也

猷圖也

周官曰以猷鬼神祇

謂圖畫

猷若也

詩曰寔命不猷

併舉也

書曰併爾戈

稱好也

稱物

人意亦為好

坎律銓也

易坎卦主法法律皆所以銓量輕重

矢哲言也

相約誓

舫舟也

並兩船

泳游也

潛行游水

迨及也

東齊曰迨

冥幼

也 幼稚者冥昧

降下也 傭均也

齊等

強暴也

強梁

疇肆

也

輕宛者好放肆

肆力也

肆極力

休戴也

詩曰戴弁休休

瘞幽也

幽亦薤也

薤屬也

毛薤所以為屬

烘燎也

謂燒燎

煤炷也

今之隅

竈見詩

陪朝也

陪位為朝

康苛也

謂苛刻

樊藩也

謂藩籬

賦

量也

賦稅所以評量

糗糧也

今江東通言糗

庶侈也

庶者衆多為奢侈

庶幸也

庶幾僥倖

筑拾也

謂拾掇

奘馏也

今江東呼大為馏馏猶麤

也 集會也 舫汙也

水中種筏

洵均也

謂調均

洵龍也

未詳 逮還也

今荆楚人皆云還音沓

是則也

是事可法則

畫形也

畫者為形象

賑富也

謂隱賑富有

局分也

謂分部

濟怒也

詩曰

天之方濟音薺

僖聲也

謂聲音

葵揆也

詩曰天子葵之

揆度也

度商

逮及也 怒飢也

怒然飢意

聆重也

謂厚重見左傳

獵虐也

凌獵  
暴虐

土田也別二名

戎遏也

戎守所以止寇賊

師人也

謂人

衆  
砧鞞也

砧然堅固

弃忘也

蹶閑也

蹶然閑暇貌

謀心

也謀慮以心

獻聖也

諡法曰聰明睿智曰獻

里邑也

謂邑居

襄

除也

詩曰不可襄

振古也

詩曰振古如茲猶云久若此

對怨也

介也

介猶關

號諱也

今江東皆言諱

凶咎也苞積也

今人呼物叢綴者為積

迨寤也

相干寤

頽題也

題額也詩曰麟之定

猷肯

可也

詩曰猷來無弃肯今通言

務侮也

詩曰外禦其侮

貽遺也

相歸遺

貿買也

廣二名

賄財也甲狎也

謂習狎

茨騅也

亂也詩曰毳衣如茨茨草色如騅在青白之間粲餐也今河北人呼食為餐渝

變也謂變易宜有也詩曰與子宜之夷悅也詩曰我心則夷顛

頂也上頭耄老也八十為耄輶輕也詩曰德輶如毛淺淺也

詩曰小我伐收綯絞也糾絞繩索訛化也詩曰四國是訛跋躡也詩曰

狼跋其胡蹇踳也詩曰載蹇踳也烝塵也人眾所以生塵埃戎相也

相佐飶私也宴飲之私孺屬也謂親屬幕暮也幕然暮夜

煽熾也熾盛也互相訓煽義見詩柢本也謂根本窀間

窵窵淪率也相率罹毒也憂思檢同也模範郵間隙



過也

道路所經過

遜遯也

謂逃去

斃踣也

前覆

債僵

也

却

眈眈也

謂殄絕

曷盍也

盍何不

虹潰也

謂潰敗

陪

闇也

昏然冥貌

翻膠也

膠黏

孔甚也厥其也夏

禮也

謂常禮

閤臺也

城門臺

囚拘也

謂拘執

攸所

也展適也

得自申展皆適意

鬱氣也

鬱然氣出

宅居也

休慶也祈叫也

祈祭者叫呼而請事

濬幽深也

濬亦深也

哲

智也弄玩也尹正也

謂官正也

皇匡正也

詩曰四國

是服整也

服御之令齊整

聘問也

見穀梁傳

愧慙也

殛誅

也書曰繇則殛死克能也翌明也書曰翌日乃廖訥訟也言訥

晦冥也奔走也逡退也外傳曰已復於士而逡寔仆也

顛躓亞次也諗念也念相思屆極也有所限極弇同

也詩曰奄有龜蒙弇蓋也謂覆蓋恫痛也詩曰神罔時恫握具

也謂備具振訊也振者奮迅閱恨也相怨恨越揚也

謂發揚對遂也詩曰對揚王休燬火也詩曰王室如燬燬齊人語懈怠

也宜緩也謂寬緩遇偶也偶爾相遇曩鄉也國語曰曩

而言戲也惶暇也詩曰不遑啓處宵夜也懊忼也謂愛忼愒貪

也

謂貪羨

楮柱也

柱相楮

裁節也並併也

詩曰並坐鼓瑟

卒既也

既已

槽慮也

謂謀慮也

將資也

謂資裝

蕭紕

也

今人呼縫紕衣為蕭

遞迭也

更迭

矧況也

辭況

廩廩也

或說

云即倉廩所未詳

逭逃也

亦見禮記

訊言也

相問訊

間覩也

左傳謂之

謀今之細作也

沅沆也

水流湍沆

干扞也

相扞衛

趾足也

足

跽刖也

斷足

襄駕也

書曰懷山襄陵

忝辱也

燠煖也

今江

東通言燠

將齊也

謂分齊也詩曰或肆或將

餽餽也

糜也

啓跪也

小 踞

密也

謂緻密

開闢也

書曰關四門

袍襴也

左傳曰重襴衣

裘衣

障眈也

謂壅障

醜姑也

然面姑

鬻糜也

淖糜

舒緩

也謂遲緩

翮纛也

今之羽葆幢

纛翳也

舞者所以自蔽翳

隍壑也

城池空者為壑

芼搯也

謂拔取菜

典經也威則也

威儀可法則

苛

姢也

煩苛者多嫉姢

芾小也

芾者小貌

迷惑也徂復也

徂快

復為逼迫也般還也

左傳曰般馬之聲

班賦也

謂布與

濟

渡也濟成也濟益也

所以廣異訓各隨事為義

緡綸也

詩曰

維絲伊緡緡繩也江東謂之綸

辟歷也

未詳

蔡盃也

漉漉出涎沫

寬綽

也謂寬裕也

袞黻也

袞衣有黻文

華皇也

釋草曰萑華榮

昆後也

謂先後  
方俗語  
彌終也  
終竟也

### 釋訓第三

明明斤斤察也  
皆聰明鑒察  
條條秩秩智也  
皆智思深

長穆穆肅肅敬也  
皆容儀謹敬  
諸諸便便辯也

皆言辭辯給肅肅翼翼恭也  
皆恭敬靡靡優優和

也  
皆和樂兢兢愬愬戒也  
皆戒慎戰戰踴踴動也

皆恐動趨步晏晏溫溫柔也  
皆和柔業業翹翹危也  
皆危懸

危  
惴惴慄慄懼也  
皆危懼番番矯矯勇也  
皆壯

勇之貌 栢栢烈烈威也皆嚴猛之貌 洸洸赳赳武也

皆果毅之貌 藹藹濟濟止也皆賢士盛多之容止 悠悠洋洋

思也皆憂思 蹶蹶踏踏敏也皆便捷 薨薨增增

衆也皆衆夥之貌 烝烝遂遂作也皆物盛興作之貌 委委

佗佗美也皆佳麗美之貌 怵怵惕惕愛也詩云心焉惕惕

韓詩以為悅人故言愛也怵怵未詳 侏侏格格舉也皆舉持物 綦綦

孽孽戴也皆頭戴物 厭厭媿媿安也皆好人安詳之容 祁

祁遲遲徐也皆安徐 丕丕簡簡大也皆多大 存存

萌萌在也萌萌未見所出懋懋皆自勉強莫莫勉也皆自勉強庸庸

惺惺勞也皆劬勞也赫赫躍躍也皆盛疾之貌綽綽

爰爰緩也皆寬緩也悠悠併併丕丕簡簡存存懋懋庸庸綽綽盡重語坎坎

樽樽喜也皆鼓舞懽喜瞿瞿休休儉也皆良士節儉旭

旭躑躑憍也皆小久得志憍蹇之貌夢夢訕訕亂也皆聞

亂爆爆藐藐悶也皆煩悶僂僂洄洄惛也皆迷惛

版版盪盪僻也皆邪僻熿熿炎炎薰也皆早熟薰炙人

居居究究惡也皆相憎惡仇仇敖敖傲也皆傲慢賢者

此此瑣瑣小也

皆才器細陋

悄悄慘慘愠也

皆賢人愁

恨

瘡瘡痲痲病也

皆賢人失志懷憂病也

殷殷惇惇忉忉

忉忉惇惇欽欽京京忉忉惇惇忉忉

也

此皆作者歌事以詠心憂

昉昉田也

言黎辟也

畎畎耜也

言嚴利

郝郝耕也

言上解

繹繹生也

言種調

稊稊苗也

言茂好也

緜緜穰也

言去精

捭捭穫也

刈禾聲

栗栗衆也

積聚

綴

溘溘淅也

洮米聲

焯焯烝也

氣出盛

侏侏服

也

謂戴弁服

峨峨祭也

謂執圭璋助祭

鏗鏗樂也

鍾鼓音

穰穰



福也

言饒多

子子孫孫引無極也

世世昌盛長無窮

顯

顛印印君之德也

道君人之德望

丁丁嚶嚶相切

直也

丁丁斫木聲嚶嚶兩鳥鳴以喻朋友切磋相正

藹藹萋萋臣盡

力也

梧桐茂賢士衆地極化臣竭忠

雍雍喈喈民協服也

鳳皇

應德鳴相和百姓懷附典頌歌

佻佻契契愈遐急也

賦役不均小國困竭

賢人憂歎遠益急切

宴宴粲粲尼居息也

盛飾宴安近處優閑

哀哀

悽悽懷報德也

悲苦征役思所生也

儻儻嘒嘒罹禍毒

也

悼王道穢塞羨蟬鳴自得傷已失所遭讒賊

晏晏旦旦悔爽忒也

傷見

絕弃恨  
士失也

皐皐瑄瑄刺素食也

譏無功德  
尸寵祿也

懽懽

惺惺憂無告也

賢者憂懼  
無所訴也

憲憲洩洩制法則

也

佐興虐政  
設教令也 詭詭謔謔崇讒慝也

樂禍助虛  
增譖惡也

翕

翕訛訛莫供職也

賢者陵姚且毋黨熾  
肯公恤私曠職事

速速威威

惟速鞫也

陋人專祿國侵削  
賢士永哀念窮迫

抑抑密也

威儀  
審諦

秩秩

清也

德音  
清冷

粵峯掣子曳也

謂牽  
杙

朔北方也

謂幽  
朔

不俟不來也

不可待是  
不復來

不遁不蹟也

言不循  
軌跡也

不徹不道也

徹亦  
道也

勿念勿忘也

勿念  
念也

莛莛諉

忘也義見伯兮考盤詩每有雖也詩曰每有良朋辭之雖也饔酒

食也猶今云餼饌皆一語而兼通舞號零也零之祭舞者呼嗟而請雨暨

不及也公羊傳曰及我欲之暨不得已暨不得已蠢不遜也蠢動

為惡不謙遜也如切如磋道學也骨象須切磋而為器人須學問以成德

如琢如磨自脩也玉石之被彫磨猶人自脩飾瑟兮僖兮

恂慄也恒戰竦赫兮烜兮威儀也貌光宣有斐君

子終不可諉兮斐文貌道盛德至善民之不

能忘也常思詠既微且臙胥瘍為微腫足為

種胛脚脛  
瘍創

是刈是穫鑊煮之也

煮葛為  
絺絺

履帝

武敏武迹也敏拇也

拇迹大  
指處

張仲孝友

周  
宜

王時  
賢臣

善只父母為孝善兄弟為友有客宿宿

言再宿也有客信信言四宿也

再宿為信重  
言之故知四

宿美女為媛

所以結  
好媛

美士為彥

人所  
彥詠

其虛

其徐威儀容止也

雍容都  
雅之貌

猗嗟名兮目上為

名

眉眼  
之間

式微式微者微乎微者也

言至  
微

之子

者是子也

斥所  
詠

徒御不驚輦者也

步挽  
輦車禮

楊肉袒也

脫衣而見體

暴虎徒搏也

空手執也

馮河徒

涉也

無舟楫

遽條口柔也

遽條之疾不能俯口柔之人視人顏色常亦不

伏因以名云

戚施面柔也

戚施之疾不能仰面柔之人常俯似之亦以名云

夸

毗體柔也

屈已卑身以柔順人也

婆娑舞也

舞者之容

辟拊

心也

謂推曾也

矜憐撫掩之也

撫掩猶撫拍謂慰恤也

絨羔

裘之縫也

縫飾羔皮之名

殿屎呻也

呻吟之聲

幬謂之帳

東亦謂張為幬

佻張誑也

書曰無或佻張為幻幻惑欺誑人者

誰昔昔也

誰發語辭

不辰不時也

辰亦時也

凡曲者為囀

毛詩傳曰囀曲

梁也凡以簿為魚笥者名為罾鬼之為言歸也尸子曰古者謂死人為歸人

### 釋親第四

父為考母為妣禮記曰生日父母妻死曰考妣嬪今世學者從之案尚書曰大傷厥

考心事厥考厥長聰聽祖考之彝訓如喪考妣公羊傳曰惠公者何隱之考也仲子者何桓之母也蒼頡篇曰

考妣延年書曰嬪于虞詩曰聿嬪于京周禮有九嬪之官明此非死生之異稱矣其義猶今謂兄為舅妹為媢

即是此父之考為王父父之妣為王母加王者尊

之王父之考為曾祖王父之妣為曾

祖王母曾猶重也曾祖王父之考為高祖王父

曾祖王父之妣為高祖母

高者言最在上

父之世

父叔父為從祖祖父父之世母叔母為從

祖祖母

從祖而別世統異故

父之舅弟先生為世父後

生為叔父

世有為嫡者嗣世統故也

男子先生為兄後生

為弟男子謂女子先生為姊後生為妹父

之姊妹為姑父之從父舅弟為從祖父父

之從祖舅弟為族父族父之子相謂為族

舅弟族舅弟之子相謂為親同姓

同姓之親無服屬

兄之子弟之子相謂為從父舅弟從父而別子

之子為孫孫猶後也孫之子為曾孫曾猶重也曾孫之

子為玄孫玄者言親屬微昧也玄孫之子為來孫言有往來

視來孫之子為舅孫舅後也汲冢竹書曰不齒之舅孫舅孫

之子為仍孫仍亦重也仍孫之子為雲孫言輕速如

浮雲王父之姊妹為王姑曾祖王父之姊妹

為曾祖王姑高祖王父之姊妹為高祖王

姑父之從父姊妹為從祖姑父之從祖姊



妹爲族祖姑父之從父舅弟之母爲從祖  
王母父之從祖舅弟之母爲族祖王母父  
之兄妻爲世母父之弟妻爲叔母父之從  
父舅弟之妻爲從祖母父之從祖舅弟之  
妻爲族祖母父之從祖祖父爲族曾王父  
父之從祖祖母爲族曾王母父之妾爲庶  
母祖王父也舅兄也

今江東人  
通言舅

# 宗族

母之考爲外王父母之妣爲外王母母之  
王考爲外曾王父母之王妣爲外曾王母  
異姓故母之舅弟爲舅母之從父舅弟爲  
言外從舅母之姊妹爲從母從母之男子爲從  
母舅弟其女子子爲從母姊妹

母黨

妻之父爲外舅妻之母爲外姑  
謂我舅者吾謂之甥然則

亦宜呼壻爲甥孟子曰帝館甥于二室是姑之子爲甥舅之子爲甥

妻之舅弟為甥姊妹之夫為甥

四人體敵故更相為甥甥

猶生也今人相呼蓋依此

妻之姊妹同出為姨

同出謂俱已嫁詩曰邢侯

之

女子謂姊妹之夫為私

詩曰譚公維私

男子謂姊妹

妹之子為出

公羊傳曰蓋舅出

女子謂舅弟之子

為姪

左傳曰姪其從姑

謂出之子為離孫謂姪之子

為歸孫女子子之子為外孫女子同出謂

先生為妯後生為娣

同出謂俱嫁事一夫公羊傳曰諸侯娶一國二國往媵之

以姪娣從娣者何弟也此即其義也

女子謂兄之妻為嫂弟之妻

為婦

猶今言新婦是也

長婦謂稚婦為娣婦娣婦

謂長婦為妯娌

今相呼先後或云妯娌

### 妻黨

婦稱夫之父曰舅稱夫之母曰姑姑舅

在則曰君舅君姑沒則曰先舅先姑

國語曰吾

聞之謂夫之庶母為少姑夫之兄為兄公

先姑

夫之弟為叔夫之姊為女公夫

之女弟為女妹

今謂之女妹是也

子之妻為婦長婦

今俗呼兄鐘語之轉耳

為嫡婦眾婦為庶婦女子子之夫為壻壻

之父為姻婦之父為婚父之黨為宗族母

與妻之黨為兄弟婦之父母壻之父母相

謂為婚姻兩壻相謂為亞詩曰瑣瑣姻亞今江東人呼同門為僚壻

婦之黨為婚兄弟壻之黨為姻兄弟古者皆謂

婚姻為兄弟嬪婦也書曰嬪于虞謂我舅者吾謂之甥也

婚姻

爾雅卷上

爾雅卷中

郭璞注

釋宮第五

釋器第六

釋樂第七

釋天第八

釋地第九

釋丘第十

釋山第十一

釋水第十二

釋宮第五

宮謂之室室謂之宮

皆所以通古今之異語明同實而兩名

牖戶

之間謂之扂

窓東戶西也禮云斧扂者以其所在處名之

其內謂之

家今人稱家義出於此東西牆謂之序所以序別內外西南隅謂

之奧室中隱奧之處西北隅謂之屋漏詩曰尚不媿於屋漏其義

未詳東北隅謂之宦宦見禮亦未詳東南隅謂之寗禮曰

婦室聚交交亦隱閣扶謂之闕闕門限棖謂之楔門兩旁木楣謂

之梁門戶上橫梁樞謂之椳門戶扉樞樞達北方謂之

落時門持樞者或達北檣以為固也落時謂之危道二名也垝謂

之坵在堂隅坵端也牆謂之墉書曰旣勤垣墉鏐謂之朽泥鏐

榘謂之榱斫木攢也地謂之黝黑飾地也牆謂之堊白飾

牆也檝謂之杙檝在牆者謂之揮禮記曰不敢懸於夫之揮

籠在地者謂之臬即門檝也大者謂之栱長者謂

之閣別裁所在長短之名閣謂之臺積土四方有木者謂之

榭臺上起屋雞棲於弋為櫟擊垣而棲為埒今

鄉穿牆棲雞皆見詩植謂之傳傳謂之突戶持鎖植也見埤蒼末

廂謂之梁屋大梁也其上楹謂之椳侏儒柱也閣謂之

檠柱上構也亦名杙又曰楮栢謂之案即櫨也棟謂之桴屋檠

桷謂之榱屋椽桷直而遂謂之閱謂五架屋際椽正相當



直不受檐謂之交

謂五架屋際椽不直上檐交於檼上

檐謂之

橘

屋

容謂之防

形如今牀頭小曲屏風唱射者所以自防隱見周禮

連謂

之篠

堂樓閣邊小屋今呼之篠厨連觀也

屋上薄謂之筓

屋兩階

間謂之鄉

入君南鄉當階間

中庭之左右謂之位

羣臣

之列位也

門屏之間謂之亡

人君視朝所亡立處

屏謂之樹

小牆當門中

闕謂之門

詩曰柷祭於禘

正門謂之應門

朝門

觀謂之闕

宮門雙闕

宮中之門謂之闈

謂相通小門也

其

小者謂之闈小闈謂之閤

大小異名

街門謂之閤

左傳曰盟諸僖  
闕闕衙頭門

門側之堂謂之塾

夾門也

楹謂

之闥

闥門

闔謂之扉

公羊傳曰齒著于門闔

所以止扉謂

之閔

門辟旁長楹也左傳曰高其開闔閔長棧即門槩也

瓴甌謂之甃

甃甃

也今江東呼甃甃

宮中街謂之壺

巷閭間道

廟中路謂之

唐

詩曰中唐有甃

堂途謂之陳

堂下至門徑也

路旅途也

途即

道也路場猷行道也

博說道之異名

一達謂之道路

長道

二達謂之岐旁

岐道旁出也

三達謂之劇旁

今南

陽冠軍樂鄉數道交錯俗呼之五劇鄉

四達謂之衢

交道四出

五達謂

之康

史記所謂康莊之衢

六達謂之莊

左傳曰得慶氏之木百車於莊

七

達謂之劇

今北海劇縣有此道

八達謂之

三道交復有一岐出者

崇期

四道交出

九達謂之逵

四道交出復有旁通

室中謂之

時堂上謂之行堂下謂之步門外謂之趨

中庭謂之走大路謂之奔

此皆人行步趨走之處因以名云

隄

謂之梁

即橋也或曰石絕水者為梁見詩傳

石杠謂之倚

聚石水中以為

步渡約也孟子曰歲十月徒杠成或曰今之石橋

室有東西廂曰廟

夾室

前無東西廂有室曰寢

但有

無室曰榭

即榭

今堂四方而高曰臺陝而脩曲曰樓脩長

釋器第六

木豆謂之豆豆禮器也竹豆謂之籩籩亦禮器瓦豆

謂之登即膏登也盎謂之缶盆也甌甌謂之瓠甌

小甌長沙康瓠謂之甗瓠也賈誼曰實康瓠是也斲斲謂

之定屬鋤斲謂之錯鑿也剡謂之𪔐皆古斲鋪字綫

罍謂之九罏九罏魚罔也今之百囊罍是亦謂之罍今江東呼

為綫罍罍謂之罍毛詩傳曰罍曲梁也謂以簿為魚笱罍謂

之汕今之撿罟捕魚籠也筐謂之罩捕魚籠也椶謂之慘今之

者聚積柴木於水中魚得寒入其裏藏隱因以簿圍捕取之鳥罟謂之羅謂羅

免罟謂之置置猶遮也見詩麋罟謂之茅冒其頭也彘罟

謂之羸羸幕也魚罟謂之辰最大罟也今江東云縻謂之

量量罟也罟謂之罕罕覆車也今之翻車

中施罟以捕鳥展轉相解廣異語絢謂之救救絲以為絢或曰亦罟名律謂

之分律管可大版謂之業築牆版也繩之謂之縮

之縮者約束之詩曰縮版以載彝皆盛酒尊小罍

謂之坎

罍形似壺大者受一斛

衣梳謂之視

衣縷也齊人謂之學或曰

袿衣之飾黼領謂之褭

繡刺黼文以樞領

緣謂之純

衣緣飾也

衽謂之袞

衣開孔也

衣背謂之襟

交領

袪謂之裾

衣後

裾也衿謂之衿

衣小帶

佩衿謂之袞

佩玉之帶上屬

執衽

謂之袪

持衣上衽

扱衽謂之襜

扱衣上衽於帶

衣蔽前謂

之檐

今蔽膝也

婦人之褱謂之縠

縠綺也

縶也褱邪交落帶繫於體因名為褱緜繫也

裳削幅謂之縠

削殺其幅深衣

裳與革前謂之鞞

以韋鞞車軾

後謂之第

以韋鞞後

戶竹前謂之禦以簞衣後謂之蔽以簞衣環謂

之捐著車鑣謂之鑣馬勒載轡謂之軾車

上環轡轡首謂之革轡鞞勒斂謂之錄說物

食饘謂之餲飯饘臭搏者謂之糲飯相米者

謂之糜飯中肉謂之敗臭魚謂之餒肉肉曰

脫之剥其皮也今江東呼魚曰斲之謂削冰脂

也莊子云肌膚若冰肉謂之羹肉臠也廣雅魚謂

之鮓鮓鮓屬也見肉謂之醢肉有骨者謂之

公食大夫禮

雪冰雪脂膏也

麋鹿之屬通為肉

有腥

見論語

見詩

旁鐵

後尺

難肉

雜骨醬見周禮

康謂之蠶

米皮

澱謂之塗

滓澱也今江東呼塗

鼎絕大謂之鬲

最大者

鬲弁上謂之甝

鼎斂上而

小附耳外謂之鈇

鼎耳在表

款足者謂之鬲

鼎曲脚也

鬲謂之甗

詩曰漑之釜甗

甗南鈇也

涼州琢瑞也

詩曰

佩璲璲者玉瑞

玉十謂之區

雙玉曰鼓五鼓為區

羽本謂之翮

鳥羽

根一羽謂之箴十羽謂之縛百羽謂之緗

別羽數多少之名

木謂之虞

縣鐘磬之木植者名虞

旄謂之龍

旄牛

尾菜謂之藾

藾者菜茹之摠名見詩

白蓋謂之苦

白茅苦也



也今注東  
呼為蓋

黃金謂之湯其美者謂之鏤白金

謂之銀其美者謂之鏤

此皆道金銀之別名并及精者鏤即紫磨金鏤

金謂之鈇

周禮曰祭五帝即供金鈇是也

錫謂之釧

白象謂

之鵠角謂之鬻犀謂之削木謂之剋玉謂

之雕

左傳曰山有木工則剋之五者皆治樸之名

金謂之鏤木謂之

刻骨謂之切象謂之磋玉謂之琢石謂之

磨

六者皆治器之名

璆琳玉也

璆琳美玉名

簡謂之畢

今簡札也

不律謂之筆

蜀人呼筆為不律也語之變轉

滅謂之點

以筆滅字

為點絕澤謂之銑銑即美金言最有光澤也國語曰珣之以金銑者謂此也金鏃

翦羽謂之鏃今之鏃箭是也骨鏃不翦羽謂之志今

滑髓是也弓有緣者謂之弓緣者繳纏之即今宛轉也無緣者

謂之弭今之角弓也左傳曰左執鞭弭以金者謂之銑以蜃者

謂之珣以玉者謂之珣用金蚌玉飾弓兩頭因取其類以為名珣小蚌

珣大尺二寸謂之玠詩曰錫爾玠珣璋大八寸謂

之琬璋半珣也璧大六寸謂之宣漢書所云瑄玉是也肉倍

好謂之璧肉邊好孔好倍肉謂之瑋孔大而邊小肉好

若一謂之環

邊孔緣綵綵也

即佩玉之組所以連繫瑞玉者因通謂之

緣

一深謂之縗

今之紅也

再深謂之赭

淺赤

三深

謂之纁

纁絳也

青謂之葱

淺青

黑謂之黝

黝黑貌周

禮曰陰祀用黝牲

斧謂之黼

黼文畫斧形因名云

邸謂之抵

抵根

皆物之邸邸即底通語也

彫謂之琢

治玉名也

蓐謂之兹

公羊傳曰屬負

兹兹者蓐席也

竿謂之箄

衣架

筭謂之第

牀版

革中絕

謂之辨

中斷皮也

革中

辨謂之鞞

復分半也

鏤鏤也

刻鏤物為鏤

卣中尊也

不大不小者

釋樂第七

宮謂之重商謂之敝角謂之經徵謂之迭

羽謂之柳

皆五音之別名其義未詳

大瑟謂之灑

長八尺一寸廣一尺

八寸二

大琴謂之離

或曰琴大者二十七絃未詳長短廣雅曰琴長三尺六寸

六分

大鼓謂之鼗

鼗長八尺

小者謂之應

詩曰應

在大

大磬謂之磬

磬形似犁鎡以玉石為之

大笙謂之巢

列管瓠中施簧管端大者十九簧

小者謂之和

十三簧者鄉射記曰三笙一和而成

聲

大箎謂之沂

箎以竹為之長尺四寸圍三寸孔上出寸三分名翹橫吹之小者

尺二十廣 **大埴**謂之 **盅** 埴燒土為之大如鵝子銳雅云八孔 上平底形如稱錘六孔小

者如雞子 **大鐘**謂之 **鏞** 書曰笙鏞以聞亦名鏞音博 **其中**謂之 **剽**

**小者**謂之 **棧** **大簫**謂之 **言** 編二十三管長尺四寸 **小者**

謂之 **箴** 十六管長尺一寸簫一名籟 **大管**謂之 **箴** 管長尺圍寸併漆之

有底賈氏以為如篴六孔 **其中**謂之 **篴** **小者**謂之 **箴** **大簫**

謂之 **產** 簫如笛三孔而短小廣雅云七孔 **其中**謂之 **仲** **小者**

謂之 **箴** **徒** **鼓** **瑟**謂之 **步** 獨作 **徒** **吹**謂之 **和**

**徒** **歌**謂之 **謠** 詩云我歌且謠 **徒** **擊** **鼓**謂之 **号** 詩曰或歌

或  
穹徒鼓鐘謂之修徒鼓磬謂之蹇未見義所出

所以鼓祝謂之止祝如漆桶方二尺四寸深一尺八寸中有椎柄連底桐之令左

右擊止者其椎名所以鼓敌謂之夔敌如伏虎背上有二十七鉏鋸刻以木長

尺櫟之夔者其名大鼗鼓謂之麻小者謂之料麻者音穢而長也料

者聲清而不亂和樂謂之節

### 釋天第八

穹蒼蒼天也天形穹隆其色蒼蒼因名云春為蒼天萬物蒼蒼

然夏為昊天言氣秋為旻天旻猶愍也愍萬物彫落冬

爲上天言時無事在上臨下而已

### 四時

春爲青陽氣青而溫陽夏爲朱明氣赤而光明秋爲

白藏氣白而收藏冬爲玄英氣黑而清英四氣和謂之

玉燭道光春爲發生夏爲長嬴秋爲收成

冬爲安寧此亦四時之別號尸子皆以爲太平祥風四時和爲通

正道平暢也謂之景風所以致景風甘雨時降萬物以

嘉莫不謂之醴泉所以出醴泉

祥

穀不孰為饑

五穀不成

蔬不孰為饑

凡草菜可食者通名為蔬

果不孰為荒

果木子

仍饑為荐

連歲不熟左傳曰今又荐饑

災

太歲在甲曰閔逢在乙曰旃蒙在丙曰柔

兆在丁曰強圉在戊曰著雍在己曰屠維

在庚曰上章在辛曰重光在壬曰玄默在

癸曰昭陽



歲陽

太歲在寅曰攝提格在卯曰單闕在辰曰

執徐在巳曰大荒落在午曰敦牂在未曰

協洽在申曰涿灘在酉曰作噩在戌曰闋

茂在亥曰大淵獻在子曰困敦在丑曰赤

奮若載歲也夏曰歲取歲星行一次商曰祀取四時一終

周曰年取禾一熟唐虞曰載取物終更始

歲名

月在甲曰畢在乙曰橘在丙曰修在丁曰  
圉在戊曰厲在己曰則在庚曰室在辛曰  
塞在壬曰終在癸曰極

### 月陽

正月為陬

離騷云攝提貞於孟陬

二月為如三月為病

四月為余五月為臯六月為且七月為相

八月為壯九月為玄

國語云至於玄月是也

十月為陽

純陰用事嫌於無陽故以名云

十一月為辜十二月為涂

皆

之別名自歲陽至此其事義皆所未詳通者故闕而不論

月名

南風謂之凱風

詩曰凱風自南

東風謂之谷風

詩云

習習谷風

北風謂之涼風

詩云北風其涼

西風謂之泰風

詩曰泰風有隧

焚火輪謂之積

暴風從上下

扶搖謂之焱

暴風

從下上

風與火為庀

庀庀熾盛之貌

迴風為飄

旋風也

曰

出而風為暴

詩曰終風且暴

風而雨土為霾

詩曰終風

且霾

陰而風為曠

詩曰終風且曠

天氣下地不應曰霽

言蒙昧

地氣發天不應曰霧霧謂之晦

言晦冥

蟠螭謂之雩蟠螭虹也

俗名為美人虹江東呼雩音芳

蜺為

挈貳

蜺雌虹也見離騷挈貳其別名見尸子

弁日為蔽雲

即暈氣五彩覆

也疾雷為霆霓

雷之急激者謂霹靂

雨霓為霄雪

詩曰

如彼雨雪先集維霓霓水雪雜下者故謂之消雪

暴雨謂之凍

今江東呼夏月暴雨

為凍雨離騷云令飄風兮先驅使凍雨兮灑塵是也凍音東西之東

小雨謂之霖霖

詩曰益之以霖霖

久雨謂之淫

左傳曰天作淫雨

淫謂之霖

雨自三日已上為霖

濟謂之霽

今南陽人呼雨止為霽音齊

風雨

壽星角亢也

數起角亢列宿之長故曰壽

天根氏也

角亢下繫

於氏若木之有根

天駟房也

龍為天馬故房四星謂之天駟

大辰房心

尾也

龍星明者以為時候故曰大辰

大火謂之大辰

大火心也

故時候主焉

析木謂之津

即漢津也

箕斗之間漢津也

箕龍尾斗南斗天漢之津梁

星紀斗牽牛也

牽牛斗者日月五星之所終始

故謂之星紀

玄枵虛也

虛在正北北方色黑 顓頊之虛

虛也

顓頊水德位在北方

北陸虛也

虛星之名凡四

營室謂之

定

定正也作宮室皆以營室中為正

娵觜角之口營室東壁也

營室

東壁星四方似口因名云

降婁奎婁也

奎為溝瀆故名降

大梁昴也

西陸昴也

昴西方之宿別名旄頭

濁謂之畢

掩兔之畢或呼為濁

因星形以名

味謂之柳

味朱鳥之口

柳鶉火也

鶉鳥名火屬南

方北極謂之北辰

北極天之中以正四時

河鼓謂之牽

牛

今荆楚人呼牽牛星為檐鼓檐者荷也

明星謂之启明

太白星也晨見

東方為启明昏見西方為太白

彗星為攬槍

亦謂之孛言其形孛孛似掃彗

奔

星為彗約

流星

星名

春祭曰祠

祠之言食

夏祭曰禘

新菜可洵

秋祭曰嘗

嘗新

穀

冬祭曰蒸

進品物也

祭天曰燔柴

既祭積薪燒之

祭地

曰瘞瘞

既祭埋藏之

祭山曰廋縣

或廋或縣置之於山山海經曰縣以

吉玉是也

祭川曰浮沈

投祭水中或浮或沈

祭星曰布

布散祭於

地祭風曰磔

今俗當大道中磔狗云以止風此其象

是禴是禡師

祭也

師出征伐類於上帝禡於所征之地

既伯既禱馬祭也

伯祭

馬祖也將用馬力必先祭其先

禘大祭也

五年一大祭

繹又祭也

祭之明日

尋繹  
復祭

周曰繹

春秋經曰  
壬午猶繹

商曰彤

書曰高  
宗彤日

夏曰復

昨未見義  
所出

### 祭名

春獵為蒐

搜索取  
不任者

夏獵為苗

為苗稼  
除害

秋獵

為獮

順殺  
氣也

冬獵為狩

得獸取之  
無所擇

宵田為獠

管子曰獠獵畢弋今江東亦呼獵為  
獠音遼或曰即今夜獵載鑪照也

火田為狩

放火  
燒草

獵亦  
為狩

乃立冢土戎醜攸行

冢土大社  
戎醜大衆

起大事

動大衆必先有事乎社而後出謂之宜

有事



祭也周官所謂宜乎社

振旅闐闐

振旅整眾闐闐羣行聲

出為治兵

尚威武也

幼賤在前貴勇力

入為振旅反尊卑也

尊老

在前復常儀也

### 講武

素錦綢杠

以白地錦韜旗之竿

纁帛繆

纁帛絳也繆衆旒所著

素

陞龍于繆

畫白龍於繆令上向

練旒九

練絳練也

節以組

用綦

組飾旒之邊

維以縷

用朱縷維連持之不欲令曳地周禮曰六人維王之太常是也

緇廣

充幅長尋曰旐

帛全幅長八尺

繼旐曰旆

帛續旐末為燕尾者義見

詩注旄首曰旌載旄於竿頭如有鈴曰旂縣

於竿頭畫交龍於旒錯革鳥曰旗此謂合剥鳥皮毛置之竿頭即禮記云載鴻及鳴鳶

因章曰旃以帛練為旒因其文章不復畫之周禮云通帛為旃

### 旌旂

### 釋地第九

兩河閒曰冀州自東河至西河河南曰豫州自南河至漢

河西曰豳州自西河至黑水漢南曰荊州自漢南至衡山之陽

江南曰揚州自江南至海濟河閒曰兗州自河東至濟

濟東曰徐州自濟東至海燕曰幽州自易水至北狄齊

曰營州自岱東至海此蓋殷制

### 九州

魯有大野今高平鉅野縣東北大澤是也晉有大陸今鉅鹿北廣河

澤是也秦有楊陁今在扶風汧縣西宋有孟諸今在梁國睢陽

縣東北楚有雲夢今南郡華容縣東南巴丘湖是也吳越之間有

具區今吳縣南太湖即震澤是也齊有海隅海濱廣斥燕有昭

余祁今太原邬陵縣北九澤是也鄭有圃田今滎陽中牟縣西圃田澤是也

周有焦護

今扶風池陽縣瓠中是也

十藪

東陵卅南陵息慎西陵威夷中陵朱滕北

陵西隃鴈門是也

即鴈門山也

陵莫大於加陵

今所在未聞

梁莫大於溴梁

溴水名梁隄也

墳莫大於河

墳墳大防

八陵

東方之美者有醫無閭之珣玕琪焉

醫無閭山

名今在遼東  
珣玕琪玉屬  
東南之美者有會稽之竹箭焉

會稽山名今在山陰縣南竹箭篠也  
南方之美者有梁山之犀象

焉  
犀牛皮角  
西南之美者有華山之金石

焉  
黃金磬  
西方之美者有霍山之多珠玉

焉  
霍山今在平陽永安縣東北珠如今雜珠而精好  
西北之美者有崐

崐  
崐虛之璆琳琅玕焉  
璆琳美玉名琅玕狀似珠也山海經曰崐崐山有琅

玕  
北方之美者有幽都之筋角焉  
幽都山名謂多野牛

筋  
東北之美者有斥山之文皮焉  
虎豹之屬皮有縹綵

角

者  
中有岱岳與其五穀魚鹽生焉  
言泰山有魚鹽之饒

### 九府

東方有比目魚焉不比不行其名謂之鰈

狀似牛脾鱗細紫黑色一眼兩片相合乃得行今水中所在有之江東又呼為王餘魚 南方有

比翼鳥焉不比不飛其名謂之鷦鷯  
似鳧青赤

色一目一翼相得乃飛 西方有比肩獸焉與邛邛岨虛

比為邛邛岨虛齧甘草即有難邛邛岨虛

負而走其名謂之歷  
呂氏春秋曰北方有獸其名為歷鼠前而兔後趨則

頓走則顛然則邛邛距虛亦宜鼠後而兔前前高不得  
取甘草故須歷食之今鴈門廣武縣夏屋山中有獸形  
如兔而大相負共行土  
俗名之為歷鼠音厥  
北方有比肩民焉迭食

而迭望

此即半體之人各有一目一鼻一孔一臂一脚亦猶魚鳥之相合更望備驚急

中有

枳首蛇焉

岐頭蛇也或曰今江東呼兩頭蛇為越王約髮亦名弩弦

此四方

中國之異氣也

五方

色外謂之郊郊外謂之牧牧外謂之野野

外謂之林林外謂之垆

邑國都也假令百里之國五十里之界界各十

也里下溼曰隰大野曰平廣平曰原高平曰

陸大陸曰阜大阜曰陵大陵曰阿可食者

曰原可種穀給食陂者曰阪陂陀不平下者曰溼公羊

傳曰下平曰隰田一歲曰菑今江東呼初耕地反草為菑二歲曰新

田詩曰于彼新田三歲曰畲易曰不菑畲

### 野

東至於泰遠西至於邠國南至於濮鈇北

至於祝栗謂之四極皆四方極遠之國觚竹北戶西



王母日下謂之四荒

觚竹在北北戶在南西王母在西日下在東皆四方

昏荒之國次四極者

九夷八狄七戎六蠻謂之四海

九夷

在東八狄在北七戎在西六蠻在南次四荒者

岨齊州以南戴日為丹

穴

岨去也齊中也

北戴斗極為空桐

戴值

東至日所出

為太平西至日所入為太蒙

即蒙也

太平之人

仁丹穴之人智太蒙之人信空桐之人武

地氣使之然也

四極

釋上第十

上一成爲敦上

成猶重也周禮曰爲壇三成今江東呼地高堆者爲敦

再成

爲陶上

今濟陰定陶城中有陶上

再成銳上

爲駢上

鐵頂者

三

成爲崐崙上

崐崙山三重故以名云

如槩者槩上

形似車槩

也或云槩謂稻田塍埒

如階者階上

水中小洲爲階

水潦所止

泥上

頂上汚下者

方上胡上

形四方

絕高爲之京

人力所作非人爲之上

地自然生

水潦所還埒上

謂上邊有

界埒水繞環之

上正章上

頂平

澤中有上都上

在池澤中

當途

梧上途道途出其右而還之畫上言為道所規畫途出

其前戴上道出途出其後昌上道出水上

其前消上水出其後沮上水出其右正上

水出其左營上今齊之營上淄水過其南及東如覆敦者敦

上也敦孟灑池沙上旁行連延左高咸上右高臨上

前高旄上詩云旄上之葛兮後高陵上偏高阿上詩云

阿上陟彼宛中宛上宛謂中上背有上為負上此解

宛上中央隆峻狀左澤定上右陵泰上宋有太

如負一上於背上

見史記

如畝畝上

上有壟界如田畝

如陵陵上

陵大阜也

上上

有上為宛上

嫌人不了故重曉之

陳有宛上

今在陳郡陳縣

晉

有潛上

今在太原晉陽縣

淮南有州黎上

今在壽春縣

天下

有名上五其三在河南其二在河北

說者多以

州黎宛營為河南潛敦為河北者案此方稱天下之名上恐此諸上碌碌未足用當之殆自別更有魁梧桀大

者五但未詳其名號今者所在耳

上

望崖洒而高岸

崖水邊洒謂深也視崖峻而水深者曰岸

夷上洒下

不濬

厓上平坦而下水深者為濬不發聲

隩隈

今江東呼為浦隩淮南子曰漁者不爭隈

厓內為隩外為隈

別厓表裏之名

畢堂牆

今終南山道名

畢其邊若堂之牆

重厓岸

兩厓累者為岸

岸上澗

岸上地

墳大

防隄

謂水邊

涖為厓

謂水通者

窮瀆汜

水無所通者

厓岸

### 釋山第十一

河南華

華陰山

河西嶽

吳嶽

河東岱

岱宗泰山

河北

恒

北嶽恒山

江南衡

衡山南嶽

山三襲陟

襲亦重

再成英

兩山相重

一成坯

書曰至大坯

山大而高松

今中嶽嵩高山蓋依此名

山小而高岑

言岑岑

銳而高嶠

言鐵峻

卑而大

扈

扈廣貌

小而衆歸

小山叢羅

小山岌大山岨

岌謂

高過

屬者嶧

言駱驛相連屬

獨者蜀

蜀亦孤獨

上正章

山上平

宛中隆

山中央高

山脊岡

謂山長脊

未及上翠微

近上旁坡

山頂冢

山巔

萃者屨屨

謂山峯頭巉巖

山如堂者密

形似堂室者尸子曰松柏之鼠不知堂密之有美樅

如防者盛隄

防巒山墮

謂山

形長狹者荊州謂之巒詩曰墮山喬嶽

重巖隙

謂山形如累兩巖巖

巖

左右有岸岳夾山大山宮小山霍宮謂圍繞之禮記曰

君為廬宮之是也小山别大山鮮不相連山絕陁連山中斷絕

多小石礫多礫多大石礪多盤石多草木岵無

草木岵皆見詩山上有水埒有停泉夏有水冬無

水學有停潦山續無所通谿所謂窮續者雖無所通與水注川同

名石戴土謂之崔嵬石山上土戴石為砮有土者

土山上山夾水澗陵夾水瀟別山陵間有水者之名山有

穴為岫謂巖穴山西曰夕陽暮乃見日山東曰朝陽

且即見日泰山為東嶽華山為西嶽霍山為南

嶽即天柱山恒山為北嶽常嵩高為中嶽大

山也梁山晉望也晉國所望祭者今在馮翊夏陽縣西北臨河上

### 釋水第十二

泉一見一否為瀦有貌井一有水一無水

為灑山海經曰天井夏有水冬無水即此類也濫泉正出正出涌

出也公羊傳曰直出直猶正也沃泉縣出縣出下出也從上

溜下沆泉穴出穴出及出也從旁涖闢流川



通流過辨回川旋澱反入即河水決出復還入者

渾沙出今江東呼水中汧出不流水泉潛出便

歸異出同流肥毛詩傳曰所出漢大出尾下

今河東汾陰縣有水口如車輪許瀆沸涌出其深無限

名之為漢焉邕陽縣復有漢亦如之相去數里而夾

河河中階上又有一漢漢源皆潛相通在汾陰者人壅

其流以為陂種稻呼其本所出處為漢魁此是也尾猶

底也水醮曰辱謂水水自河出為澱書曰澱濟為

澆汶為灑洛為波漢為潛書曰沱淮為汭江

為沱書曰岷山導過為洵潁為沙汝為瀆詩

江東別為沱

遵彼汝濱皆大水溢  
出別為小水之名

水決之澤為汧

水決入澤中  
者亦名為汧

決復入為汜

水出去  
復還

河水清且瀾漪大波

為瀾

言渙  
瀾

小波為淪

言蘊  
淪

直波為徑

言徑  
徑

江有沱河有澨汝有瀆

此故上水別出  
耳所作者重見

澨水

厓

水邊  
地

水草交為湄

詩曰居  
河之湄

濟有深涉

謂濟  
渡之

處深則厲淺則揭揭者揭衣也

謂褰  
裳也

以衣

涉水為厲

衣謂  
褌

繇膝以下為揭繇膝以上為

涉繇帶以上為厲

繇自  
也

潛行為泳

水底行  
也晏子

春秋曰潛行逆流  
百步順流七里

汎汎揚舟  
緇緇維之  
緇緇也

索縈綷也綷

天子造舟

比船諸侯維舟

維

四大夫方舟

併兩船

士特舟

單船

庶人乘附

併木以渡

水注川曰谿注谿曰谷注谷曰溝注溝曰澮

澮注澮曰瀆

此皆道水轉相灌注所入之處名

逆流而上曰

沂洄順流而下曰沂游

皆見詩

正絕流曰亂

直橫渡也書曰亂于河

江河淮濟為四瀆四瀆者發源

注海者也

水泉

水中可居者曰洲小洲曰渚小渚曰沚小

沚曰坻人所為為瀆人力所作

水中

河出崑崙虛色白山海經曰河出崑崙西北隅虛山下基也所渠并

千七百一川色黃潛流地中汨漱沙壤所受渠多衆水溷淆宜其濁黃百

里一小曲千里一曲一直公羊傳曰河曲流河千里一曲一直

河曲

徒駭今在成平縣義所未聞

太史今所在未詳

馬頰河勢上廣下狹狀如

馬頰覆圃水中可居住往

胡蘇東莞縣今有胡蘇亭其義未詳

簡道水

簡易水多

約約

鉤盤水曲如鉤

流盤相也

鬲津水多

以爲津而橫渡

### 九河

從釋地已下至九河皆禹所名也

### 爾雅卷中

爾雅卷中

爾雅卷下

郭璞注

釋草第十三

釋木第十四

釋蟲第十五

釋魚第十六

釋鳥第十七

釋獸第十八

釋畜第十九

釋草第十三

萑山韭茗山葱勤山齏南山蒜

今山中多有此菜皆

如人家所種者茗葱細莖大葉

山蘄 廣雅曰山蘄當歸當歸今似蘄而鹿麕大

椒木



染果羸之實枯樓今齊人呼之為天瓜茶苦菜詩曰誰謂

茶苦苦茶可食荏葍今荏葍也葉似荏方莖白華華生節間又名益母廣雅云藟綬小

有雜色似綬染稷今江東人呼粟為染衆秣謂黏粟也戎叔謂之荏

菽即胡豆也卉草百草總名菹雀弁未詳齋雀麥則燕

也麥也瓊烏菴菹菹芟皆未詳黃菹瓜

菹瓜似土瓜荊藟豕首本草曰瓊盧一名蟾蛄蘭今江東呼豨首可以燭蠶蛹莽

馬帚似薯可以為帚槐懷羊未詳艾牛蘄今馬蘄葉細銳

似芹亦可食可食葵蘆葩葩宜為菹蘆葩蕪菁屬紫華大根俗呼瓚葵漬灌未詳



茵芝

芝一歲三華瑞草

筍竹萌

初生者

蕩竹

竹別名儀禮曰蕩在建鼓

之間謂蕭管之屬

莪蘿

今莪蒿也亦曰蘆蒿

芄葳芄

芄葳芄

經履

茗接余其葉苻

叢生水中央圍在莖端長短隨水深淺江東食之亦呼為茗音

杏

白華野菅

菅茅屬詩曰白華菅兮

薜白蘄

即上

菲芴

即土瓜也

苜蓿

大葉白華根如指正白可啖

熒委萎

藥草也葉似竹大者如箭

竿有節葉狹而長表白裏青根大如指長一二尺可啖

萌苻熒

未詳

竹篇蓄

似小藜赤莖節好生道旁可食又殺蟲

葳寒漿

今酸漿草江東呼曰苦葳音針

薜若

芙芄

芙明也葉黃銳赤華實如山茱萸或曰陵也關西謂之薜若音皆

葳蕤菽藿

一名白蕢 **跌灼** 其紹 **跌** 俗呼灼瓜為跌紹者瓜蔓緒亦著子但小如灼 **芍鳧**

**苾** 生下田苗似龍須而細根如指頭黑色可食 **賴** **鼎** **董** 似蒲而細 **稊**

**芙** 藕似稗布地生穢草 **鉤** **芙** 大如拇指中空莖頭有臺似薊初生可食 **龔** **鴻** **蒼**

即籬菜也 **蘇** **桂** **荏** 蘇桂類故名桂荏 **蒼** **虞** **蓼** 虞蓼澤蓼 **榛** **蔣** 未詳

**藟** **赤** **苗** 今之赤梁粟 **芑** **白** **苗** 今之白梁粟皆好穀 **秬** **黑** **黍** 詩曰

維秬維秠 **秠** **一** **稔** **二** **米** 此亦黑黍但中米異耳漢和帝時任城生黑黍或三四實實二

米得黍三斛八斗是 **稌** **稻** 今沛國呼稌 **菑** **蔓** **茅** 菑華有赤者為蔓蔓蔓一

亦猶菱茗華黃白異名 **臺** **夫** **須** 鄭箋詩云臺可以為簍兩筮 **萋** **蒨** **蒨** 未詳

苗貝母

根如小貝負而白華葉似韭

莖蚩不

今荊葵也似葵紫血色謝氏云小草多

華少葉葉又翹起

艾冰臺

今艾蒿

葦亭歷

實葉皆似芥一名狗薺廣

雅云音典 苻鬼目

今江東有鬼目草莖似葛葉負而毛子如耳瑤也赤色叢生

葍

庾草

未詳

菽菱縷

今繫縷也或曰鷄腸草

離南活菘

草生

江南高丈許大葉莖中有瓢正白零陵人祖曰貫之為樹

龍天薺須葍菘

未詳

勞隱葱

似蘇有毛今江東呼為隱葱藏以為菹亦可瀹食

茵葛子

草生

水中一名軒子江東呼茵音猶

茵蘆

作履菹草

柱夫搖車

蔓生細葉紫華

可食今俗呼曰翹搖車

出隧蘧蔬

蘧蔬似土菌生菰草中今江東啖之甜滑音醴毘毘

蕪蒞蘼蕪

香草葉小如菱狀淮南子云似蛇牀山海經曰臭如蘼蕪

茨蒺

藜

布地蔓生細葉子有三角刺人見詩

藟藟竊衣

似芹可食子大如麥兩兩相合

有毛著人衣

鬣顛棘

細葉有刺蔓生一名商棘廣雅云女木也

藿芄蘭

藿芄

蔓生斷之有白汁可啖

藟沈藩

生山上葉如韭一曰提母

渝蔦

今澤蔦

鹿藿其實菹

今鹿豆也葉似大豆根黃而香蔓延生

藹侯莎其

實媿

夏小正曰藹也者莎藿媿者其實

莞苻離其上藹

今西方人

呼蒲為莞蒲藹謂其頭臺首也今江東謂之苻離西方亦名蒲中莖為藹用之為席音拜翻

荷芙

渠

別名芙蓉江東呼荷

其莖茄其葉藹其本莖

莖下白莖

在泥中者其華苗苳苳見詩其實蓮蓮謂房也其根藕其

中的蓮中的中薏中心紅龍古其大者歸

俗呼紅草為龍鼓語轉耳菱薺實薺子名麋泉實禮記曰苴麻之有麋

泉麻別二名須菴蕪菴蕪似羊蹄菜細味酥可食菲蔥菜

菲草生下溼地似蕪菁華紫赤色可食蕝赤莧今之莧赤莖者牆蔕藿

冬門冬一名滿冬本草云篇苻止未詳灤貫衆葉負斄莖毛黑布地

冬不死一名貫渠廣雅云貫節若牛藻似藻葉大江東呼為馬藻遂蕩馬

尾廣雅曰馬尾蒿陸本草云別名蕩今關西亦呼為蕩江東呼為當陸苹萍水中浮萍江東謂之

藟音

其大者藟

詩曰于以采藟

藟菟葵

頗似葵而小葉狀如藜有

毛灼啖之滑

芹楚葵

今水中芹菜

隳牛藟

今江東呼草為牛藟者高

尺餘許方莖葉長而銳有穗穗間有華華紫縹色可淋以為飲

藟牛脣

毛詩傳曰水蔦也如

藟斷寸寸有節拔之可復

苹藟蕭

今藟蒿也初生亦可食

連異翹

一名

連苕又名連草本草云

澤烏菴

即上壤也

傳橫目

一名結縷俗謂之鼓

草藟蔓華

一名蒙華

菱蔽攔

菱今水中中莖

大菊蘧麥

一名麥句薑即瞿麥

牡莢貝

未詳

荊山莓

今之木莓也實似蘧莓而大亦

可韌齒苦堇

今堇葵也葉似柳子如米灼食之滑

薄石衣

水苔也一名石

髮江東食之或曰蒹葉似  
難而大生水底亦可食

鞠治蔣今之秋華菊

唐蒙

女蘿女蘿菟絲

別四名詩云  
爰采唐矣

苗蔕未詳

荳缺蓋

覆蓋也實似莓  
而小亦可食

芟堇草

即烏頭也江東  
呼為堇音斬

藺百足

未詳菁戎葵

今蜀葵也似葵  
華如木槿華

藪系狗毒

樊光云俗  
語苦如藪

垂比葉

未詳

復盜庚

旋復似菊

苧麻母

苧麻盛  
子者

瓜

九葉

今江東有草五葉共叢生一  
莖俗因名為五葉即此類也

藐苳草

可以  
染紫

一名苳蒨  
廣雅云

倚商活脫

即離南也

藪黃蔴

藪草葉似  
酸漿華小

而白中心黃紅  
東以作菹食

藪車芘輿

藪車香草  
見離騷

權黃華

今謂

牛芸草為黃華  
華黃葉似荻藜  
萌春草  
一名芒草  
本草云  
蒺藜藪露

承露也大莖小  
葉華紫黃色  
味莖藜  
五味也蔓生  
子叢在莖頭  
漆委葉  
詩云

以苾  
漆蓼  
皇守田  
似燕麥子如彫胡米可  
食生廢田中一名守氣  
鈎葵姑  
鈎

也一名王瓜實如  
灼瓜正赤味苦  
望棗車  
可以為索  
長丈餘  
困被絳  
未詳

攬烏階  
即烏把也子連相著  
狀如把齒可以漆阜  
杜土鹵  
杜衡也似  
葵而香  
盱

虺牀  
蛇牀也一名  
馬牀廣雅云  
蘇菽  
未聞  
赤抱薊  
即上  
抱薊  
菟奚

顛凍  
款凍也紫赤  
華生水中  
中馗茵  
地蕈也似蓋今江東名  
為土茵亦曰馗厨可啖

之  
小者茵  
大小  
異名  
菰小葉  
未聞  
苕陵苕  
一名陵時  
本草云



黃華蕙白華芡苕華色異名亦不同音沛蘼從水生於

水薇垂水水生於水邊薜山麻似人家麻生山中莽數節竹類

也節間促桃枝四寸有節今桃枝節間相去多四寸粼堅中竹類

也其中實簡笱中言其中空竹類仲無筦亦竹類未詳筥箭萌

萌筍屬也周禮曰筥筮鴈醢別二枹霍首素華軌駸

皆未詳芑夫王芑草生海邊似莞藺今南方越人采以為席綦月爾即紫

綦也似蔽可食歲馬藍今大葉冬藍也姚莖涂薺未詳芑地

黃一名地髓江東呼芑音怙蒙王女蒙即唐也女蘿別名拔龍葛似葛

蔓生有節江東呼為龍尾亦謂之虎葛細葉赤莖  
蕞牡茅白茅屬卷耳苓耳

廣雅云泉耳也亦云胡泉江東呼為常泉或曰苓耳形似鼠耳叢生如盤  
蕞蕞廣雅云紫萹非

也初生無葉可食江西謂之驚蒿邛鉅今藥草大戟也本草云繫由胡未詳

惹杜榮今惹草似茅皮可為繩索履屨也稂童梁稂莠類也蔗蔗

蔗即莓也今江東呼為蔗莓子似覆盆而大赤酢甜可啖  
白藪即蓮實購蒟萋蒟萋

萋蒿也生下田初出可啖江東用羹魚  
蒟勃蒟一名石芸本草云萋繞棘

菟今遠惹也似麻黃赤華葉銳而黃其上謂之小草廣雅云策刺草刺針也關西謂之刺燕

北朝鮮之間曰策見方言  
蕭菽即蒿蕒海藻藥草也一名海蘿如亂髮生海中本

草長楚銚芑

今羊桃也或曰鬼桃葉似桃華白子如小麥亦似桃

苦

今甘草也蔓延生葉似荷青黃莖赤有節節有枝相當或云藟似地黃

芑

馬車前

今車前草大葉長穗好生道邊江東呼為蝦蟆衣

綸似綸組似

組東海有之

綸今有秩嗇夫所帶糾青絲綸組綬也海中草生彩理有象之者因以名

云

帛似帛布似布華山有之

草葉有象布帛者因以名云生

華山

芑東豕

未詳

鯨馬羊齒

草細葉葉羅生而毛有似羊齒今江

東呼為鴈齒縑者以取繭緒

活麋舌

今麋舌草春生葉有似於舌

塞拒胸

未聞 藜之醜秋為蒿

醜類也春時各有種名至秋老成皆通呼為蒿

其藟

其實琴

其與葫莖頭皆有琴臺名琴琴即其實音停

薰琴茶

即芬

蘆芳

皆芳茶之別名方俗異語所未聞

葦醜芳

其類皆古葦有芳秀古華

即今蘆也

蒹蘼

似萑而細高數尺江東呼為蒹蘼音廉

葭蘆

葦也

亂

似葦而小實中江東呼為烏蘆音丘

其萌蘗

今江東呼蘆筍為蘗然則萑葦之類

其初生者皆名蘗音繼繼

葑蒨

釋言云華皇也今俗呼草木華初生者為

葑首猶豬蒨猶敷蒨亦葑之貌所未聞

卷施草拔心不死

宿莽也離騷云

葑蒨

今江東呼藕紹緒如指空中可啖者為葑蒨即此類

葑根

別二名俗呼葑根為葑

攬橐含

未詳華琴也

今江東呼華為琴音敷

華琴榮也

轉相解 木謂之華草謂之榮不榮而實者謂

之秀榮而不實者謂之英

釋木第十四

稻山榎今之山楸栲山樗栲似樗色小自生山中因名云亦類漆樹柏榭

禮記曰鬯曰以榭 鬚榭未詳檝拖白檝也樹似白楊梅榭似杏實酢披

黏似松生江南可以為船及棺材作柱埋之不腐檝檝柚屬也子大如盂皮厚二三寸中似

積食之 杻檝似棗細葉葉新生可飼牛材中車榭關西呼杻子一名土榭榭木

瓜實如小瓜酢可食棕即來今棕材中車榭榭榭樹似榭檝而庫小子如細粟可

食今江東亦呼為栢栗  
**獲落** 可以為杯器素  
**柚條** 似橙實酢  
**時英**

**梅** 雀梅  
**援拒柳** 未詳或曰柳當為柳拒  
**相杼** 柞樹味莖

**著** 釋草已有此名疑誤重出  
**藟莖** 今之刺榆  
**杜甘棠** 今之杜梨  
**狄臧**

**棹頁綦** 皆未詳  
**杙槩梅** 杙樹狀似梅子如指頭赤色似小榛可食

**者聊** 未詳  
**魄揆楹** 魄大木細葉似檀今江東多有之齊人諺曰上山斫檀揆楹先殫

**稜木桂** 今南人呼桂厚皮者為木桂桂樹葉似枇杷而大白華華而不著子叢生巖嶺枝葉冬夏

常青間  
**榆無疵** 榆梗屬似豫章  
**楛櫝** 腫節可為杖  
**檉河柳** 今

旁赤莖  
**旄澤柳** 生澤中者  
**楊蒲柳** 可以為箭左傳所謂董澤之蒲  
**權**

黃英輔小木

權輔皆未詳

杜赤棠白者棠

棠色異異

其諸慮山臬

今江東呼臬為藤似葛而麤大

攝虎臬

今虎豆纏蔓林

樹而生莢有毛刺今

江東呼為攏攝音涉

杞枸櫞

今枸杞也

杭魚毒

杭大木子

似栗生南方皮厚

汁赤中藏卵果

椴大椒

今板樹叢生實大者名為椴

棟鼠梓

楸屬也今江

東有虎梓

楓攝攝

楓樹似白楊葉負而岐有脂而香今之楓香是

寓木

宛童

寄生樹一名蔦

無姑其實夷

無姑姑榆也生山中葉負而厚剥取皮合

漬之其味辛

香所謂無夷

櫟其實椹

有椹自裹

椹羅

今楊椹也實似梨而

小酢

可食

楔荊桃

今櫻桃

旄冬桃

子冬熟

桴桃山桃

實如桃而

小不  
解核  
休無實李一名趙李  
痊接慮李今之麥李  
駁赤李

赤子  
束壺棗今江東呼棗大而銳上者為壺壺猶瓠也  
邊要棗子細晉今

謂之鹿  
盧棗  
濟白棗即今棗子白熟  
槭酸棗樹小實酢孟子曰養其槭棗

楊徹齊棗未詳  
遵羊棗實小而負紫黑色今俗呼之為羊矢棗孟子曰

曾皙嗜  
羊棗  
洗大棗今河東猗氏縣出大棗子如鷄卵  
煮填棗未詳  
蹶

洩苦棗子味苦  
析旨無實棗不著子者  
還味棗還味

短  
味  
觀梧今梧桐  
樸枹者樸屬叢生者為枹詩所謂棧樸枹櫟  
謂觀采

薪采薪即薪指解今樵薪  
棧棟其棧實似柰赤可食  
劉劉



棧劉子生山中實如梨酢甜核堅出交趾 榲槐大葉而黑槐樹葉大色黑

者名 守宮槐葉晝聶宵炕槐葉晝曰聶合而夜炕布者名為守

宮 槐小葉曰榎槐當為楸楸細葉者為榎 大而散楸老乃

散者為楸 小而散榎小而皮麤散者為榎左傳曰使擇美榎 椅梓即楸

赤棟白者棟赤棟樹葉細而岐銳皮理錯戾好叢生山中中為車輞白棟葉負而岐為

大 終牛棘即馬棘也其刺麤而長 灌木叢木詩曰集於灌木 瘰木

苻婁謂木病疴偃瘦腫無枝條 蕢藹樹實繁茂菴藹 枹適木魁瘰

謂樹木叢生根枝 榘白桜桜小木叢生有刺實如耳瑤紫赤可啖 梨山

檣

即今梨樹

桑辨有甚梳

辨半也

女桑棗桑

今俗呼桑

樹小而條長者為女桑樹

榆白粉

粉榆先生葉却著莢皮色白

唐棣栲

似白楊江

東呼夫

常棣棣

今山中有棣樹子如櫻桃可食

檟苦茶

樹小似栲子冬

生葉可煮作羹飲今呼早采者為茶晚取者為茗一名苻蜀人名之苦茶

檟樸心

檟樸別名榮

桐木

即梧

棧木干木

檣木也江東呼木駱

厭桑山桑

似桑林中作弓及車轆

木自斨神

斨

立死

槠

蔽者

斨羽

樹蔭翳覆地者詩云其槠其翳

木相磨

樹枝相切磨

楛

謂木

皮甲錯

梢梢權

謂木無枝柯梢權長而殺者

從松葉柏身

今大

廟梁材用此木乃子所謂松  
柏之鼠不知堂密之有美樅  
檜柏葉松身詩曰檜楫松舟

句如羽喬樹枝曲卷似鳥毛羽  
下句曰扞上句曰喬如

木楸曰喬楸樹性上竦  
如竹筍曰苞篠竹性叢生  
如松

柏曰茂枝葉婆娑  
如槐曰茂言亦扶踈茂盛  
祝州木髭柔

英皆未詳  
槐棘醜喬枝皆翹竦  
桑柳醜條阿那垂條  
椒椒

醜菜菜黃子聚生成房貌今江東亦呼菜椒似菜黃而小赤色  
桃李醜核子中

有核人  
瓜曰華之桃曰膽之棗李曰實之楮

梨曰鑽之皆啖食治擇之名楮似梨而酢澁見禮記  
小枝上繚為喬

謂細枝皆翹繚上  
句者名為喬木

無枝為檄

檄權直上

木族生為灌

族

### 釋蟲第十五

蝥天蟻

蝥蛄也夏小  
正曰蝥則鳴

蜚蠊

肥即負  
盤臭蟲

蝻衙入耳

蝻 蝻 蝻

夏小正傳曰蝻  
蝻者五彩具

塘

夏小正傳曰塘  
蝻者堰俗呼為

胡蟬

江南謂  
之蟬音黃

蜻

如蟬而小方言云有文者謂  
之臻夏小正曰鳴蜚虎懸

蠶茅

江東呼為茅截  
似蟬而小青色

馬

蝻中最大  
者為馬蟬

寒

蝻

寒蟻也似蟬而小  
赤月令曰寒蟬鳴

蜚

蟻

即蜚螻也一名  
螻蛄齊人呼螻

蝻 蝻 蝻

黑甲蟲  
噉糞土

蝻

木中  
蠹蟲

蝻

似

牛長角體有白點喜齧桑樹  
作孔入其中江東呼為齧髮  
諸慮奚相未詳蜂蟥

渠略似蝓蛻身狹而長有角黃黑色叢  
生糞土中朝生暮死豬好啖之  
蛟蟻并甲蟲

也大如虎豆綠色今  
紅東呼黃蛭音瓶  
蠶輿父守瓜今瓜中黃甲小蟲喜食瓜葉故

曰守  
瓜 蝮虺虺虺虺  
不螭王蚊未詳蝓施強蟬今

穀中蠹小黑蟲是也建  
平人呼為蟬子音芊姓  
不過螻蟻螻蟻螻其子

蜉蝣一名螬蟻  
螻蟻卵也 疾藜螂蛆似蝗而大腹長角能食地腦 蟻

蝓蝗子未有翅者外  
傳曰蝓舍蛭蟻  
蟋蟀今促織也 敬蛙 蟆蛙類 蝦

馬蜨馬蠲蚋俗  
呼馬蜨  
皇蚤詩曰耀皇蚤 草蚤負 螿





也俗呼  
為蠟螭  
螟蛉桑蟲  
俗謂之桑蠋  
亦曰戎女  
蝎桑蠹  
即蝓

熒火即炤  
夜飛腹  
下有火  
密肌繼英  
未  
詳  
蝼烏蠹  
大蟲

如指似蠶  
見韓子  
蠓  
小蟲似蠅  
喜亂飛  
王蚨蜢  
即螳螂似  
蠶

中有蓋今河  
北人呼蚨蜢  
蠓桑繭  
食桑葉作繭  
者即今蠶  
蝓由樗繭  
食

葉  
棘繭  
食棘  
藥繭  
食藥  
虻蕭繭  
食蕭葉者  
皆蠶類  
蠶

醜  
剖母背  
而生  
蝨醜奮  
好奮迅  
作聲  
強醜拊  
以脚  
自摩

拊  
逢醜蝨  
垂其  
腴  
蠅醜扇  
好搖  
翅  
食苗心螟食

葉蝨食節賊食根蝨  
分別蟲啖食禾所  
在之名耳皆見詩  
有足





而長齒羅生上下相銜鼻在額上能作聲少肉鮠小魚多膏胎生健啖細魚大者長丈餘江中多有之

家語曰其小者鮠魚也今江東亦呼魚子未成者為鮠音繩鮠魚鮠有鮠屬也大

者名鮠今宜都郡自京門以上江中通出鱣之魚有一魚狀似鱣而小建平人呼鮠子即此魚也音洛

**鮠當**鮠海魚也似鱣而大鱗肥美多鯁今江東呼其最大長三尺者為當音胡**烈魚**鱣

**刀**今之鮠魚也亦呼為鮠魚**鮠**鮠**鮠**鮠**歸**小魚也似鮠子而黑俗呼為魚婢江東呼為妾

魚**魚有力者****徽**強大**紛**出穢邪頭國**鮠**見呂氏字林**鮠**

似鱣子**鮠**江東呼鮠魚為**鮠**一名鮠音毗**鮠**未詳**鮠**井中

赤眼赤蟲一名**蛭**今江東呼水中**蛭**蟲入人肉者為**科斗**活東

蝦蟆子魁陸本草云魁狀如海蛤負而厚蚶蚶詳去龜未

蝮蟾諸似蝦蟆居陸地在水者鼃耿龜也似青蛙大腹一名土鴨

蚌廬今江東呼蚌長而狹者為廬蚌含漿蚌即廬也鼃三足能

龜三足賁山海經曰從山多三足鼃大苦山多三足龜今吳興郡陽羨縣君山上有池池

又有六眼龜斗出日南張海中可以為酒杯蛸贏蛸即蝸贏贏小者蝸者如

滑斗出日南張海中可以為酒杯蛸蠲蠲小者蝸蠲螺屬見埤蒼或曰即彭蠡也似蟹而小音

蛸蛸玉蛸龜俯者靈行頭仰者

謝行頭前鼻諸果甲前後鼻諸獵甲後左倪

不類

行頭左庫今江東所謂左食者以甲上審

右倪不若

行頭右庫為右食甲

形皆爾

貝居陸賤在水者蝟

水陸異名也貝中肉如科斗但有頭尾耳

大者鮠

書大傳曰大貝如車渠車渠謂車輞即鮠屬

小者鱖

今細貝亦有紫色者

出日南

玄貝貽貝

黑色貝也

餘貶黃白文

以黃為質白為文點餘

泉白黃文

以白為質黃為文點今之紫貝以紫為質黑為文點

虵博而頰

頰者中央廣兩頭銳

蝮大而險

險者謂汚薄

蟻小而橢

即上小貝橢謂

狹而長此皆說貝之形容

蝮蝮蜥蜴蜥蝻蝻守宮

也轉相解博異語別四名也

蝮蝮

蝮屬大眼最有毒今淮南人呼蝮子音惡

蝮蝮蛇

龍類也能興雲霧而遊其中淮南云蟒蛇  
蟒王蛇蟒蛇最大者故曰王蛇  
蝮虺博

三寸首大如擘身廣三寸頭大如人擘指此自一種蛇名為蝮虺  
鯢大

者謂之鰕今鯢魚似鮎四脚前似獼猴後似狗聲如小兒啼大者長八九尺  
魚枕

謂之丁枕在魚頭骨中形似篆書丁字可作印  
魚腸謂之乙魚尾

謂之丙此皆似篆書字因以名焉禮記曰魚去乙然則魚之骨體盡似丙丁之屬因形名之  
一

曰神龜龜之最神明  
二曰靈龜涪陵郡出大龜甲可以卜緣中文似毒瑁俗呼

為靈龜即今紫螭龜一名靈螭能鳴  
三曰攝龜小龜也腹甲曲折解能自張閉好食蛇江東呼

為陵龜  
四曰寶龜書曰遺我大寶龜  
五曰文龜甲有文彩者河圖曰靈龜

負書丹  
甲青文

六曰筮龜

常在著叢下潛伏見龜策傳

七曰山龜八

曰澤龜九曰水龜十曰火龜

此皆說龜生之處所火龜猶火

鼠耳物有含異氣者不可以常理推然亦無所怪

### 釋鳥第十七

佳其鳩鴉

今鷄鳩

鷓鴣鴝

似山鵲而小短尾青黑色多聲今江東亦呼為

鶻

鳴鳩鴝

今之布穀也江東呼為獲穀

鷓鴣鴝

小黑鳥鳴

自呼江東 鳴鳩王

鳴

鷓類今江東呼之為鷓好在江渚山邊食魚毛詩傳曰鳥

擊而有別 鴝鴝

今江東呼鷓鴣為鴝鴝音格

鴝鴝軌

未詳 鴝天



之青雀紫曲食肉  
好盜脂膏因名云  
鴝鵒剖葦好剖葦皮食其中蟲  
因名云江東呼蘆虎

似雀青  
班長尾  
桃蟲鷓鴣也  
其雌鷓鴣也  
鳩俗呼為巧婦  
鷗鳳其雌

皇瑞應鳥鷄頭蛇頸燕頰龜背魚尾五彩色高六尺許  
鳴雀屬也  
雝渠飛則鳴

行則  
輿斯鴨鵒雅鳥也小而多羣腹下白  
燕白

脰烏頸如鴛鴦  
鴝母鷓也青州  
密肌繫英  
釋蟲

此名疑  
誤重  
雋周子雋鳥  
出蜀中  
燕燕詩云燕燕于飛  
名玄鳥齊人呼一

鴝鵒鸚鵒類  
狂茅鴝今鴝鵒也  
怪鴝即鴝鵒

見廣雅今江東通  
呼此屬為怪鳥  
梟鴝梟鴝  
劉疾未詳  
生哺鷲



鳥子須母食之生喙能自芟居雜縣國語曰海鳥芟

邪有大鳥如馬駒時人謂之爰居春屬鴝鵒夏屬竊玄秋屬

竊藍冬屬竊黃桑屬竊脂棘屬竊丹行屬

啾啾宵屬嘖嘖諸屬皆因其毛色音聲以為名竊藍青色鵒鵒戴

任鳥鵒即頭上勝今亦呼為戴勝鵒鵒猶鵒鵒語聲轉耳紡鳥澤虞今烟澤鳥似水鴉蒼

黑色常在澤中見人輒鳴喚不去有玄鳥鸚即鸚鵡也

象主守之官因名云俗呼為護田鳥玄鳥鸚背頭曲如

鈎食魚鵒鵒其雄鵒牝庫鵒鵒屬鵒沈鳧似鴨而小長尾

背上有文今江東鵒頭鵒似鳧脚近尾略不能行鳥

亦呼為鵒音施

鳩冠雉鷄大如鳩似雌雉鼠脚無後指岐 荏老鷄

木兔也似鳴鳩而小兔頭有角毛脚夜飛好食鷄 鷄胡鳥似雉青 狂瘳

鳥狂鳥五色有冠見山海經 皇黃鳥俗呼黃離留亦名搏黍 翠鷓似燕紺色

生鬱 鷓鴣山鳥似鳥而小赤背 蝙蝠服翼齊人呼為蠟

或謂之 晨風鷓鷓屬詩曰 楊鳥白鷹似鷹尾 寇

雉洸洸即鷓也 鷓蟲母似鳥鷓而大黃白雜文鳴如鷓聲今江東呼為蚊母

俗說此鳥常吐 鷓須臾鷓鷓似臾而小膏中瑩刀 鼯鼠夷

由狀如小狐似蝙蝠肉翅翅尾項脊毛紫赤色背上蒼艾色腹下黃喙頷雜白脚短爪長尾三尺許飛且乳

亦謂之飛生聲如人呼食火烟  
能從高赴下不能從下上高  
倉庚商庚即鷺黃也鳩

舖枝未詳鷹鳥鵯鳩鵯當為鷓字之誤耳鷓鷃比

翼說已在上穆鳥黃楚雀即倉庚也列鳥斲木口如錐長數寸常斲

樹食蟲因名云躡鳥鷓鷃似鳥蒼白色鷓諸雉未詳或云即今雉鷓鷃

春鉏白鷺也頭翅背上皆有長翰毛今注鷓雉青

五鳥雉即鷓鷃也長鳴雉黃色鳴鳴雉似山鷓

背毛黃腹下赤項綠色鮮明秩秩海雉如雉而黑在海中山上鷓山雉長尾者

韃雉今白鷓也江東呼雉絕有力奮最健伊洛

而南素質五采皆備成章曰翬

翬亦雉屬言其毛色光鮮江

淮而南青質五采皆備成章曰鷩

即鷩雉也

南方

曰鷮東方曰鷮北方曰鷮西方曰鷮

鷮方雉

之鳥鼠同穴其鳥為鼯其鼠為鼯

鼯如人家鼠而

短尾鼯似鷩而小黃黑色穴入地三四尺鼠在內鳥在外今在隴西首陽縣鳥鼠同穴山中孔氏尚書傳云共

為雄雌張氏地理記云不為牝牡

鵲鷩鷮如鵲短尾射之

銜矢射人

或說曰鵲鷩鷮鷩一名墮羿

鵲鷩醜其飛也

竦翅上下

鷩鷮醜其飛也翔

布翅

鷹隼醜其飛

也暈鼓翅暈暈然疾鳧鴈醜其足蹠脚指間有幕蹠屬相著其

踵企飛却伸其脚跟企直烏鵲醜其掌縮飛縮脚亢鳥

隴隴謂喉隴亢即咽其嘒嘒嘒者受食之處別名嘒今江東呼嘒鶉子

鳩鴛子鸛別鸛鸛雛之名雉之暮子為鶉晚生者今呼少

鷄為鷄鳥之雌雄不可別者以翼右掩左雄

左掩右雌鳥少美長醜為留鸚鸚鸚猶留離詩所謂留離

之子二足而羽謂之禽四足而毛謂之獸鷄

伯勞也似鷓鴣而大左傳曰伯趙是倉庚其色黧黑而黃因以名云

釋獸第十八

麋牡麀牝麀其子麀

國語曰獸長麀麀

其跡躔

脚所

踐處絕有力狄鹿牡麀牝麀其子麀弱其跡速

絕有力麀麀麀牡麀

詩曰麀鹿麀麀鄭康成解即謂此也但重言耳

牡麀

其子麀其跡解絕有力豸狼牡獾牝狼其

子獾絕有力迅兔子麤

俗呼曰麤

其跡迅絕有

力欣豕子豬

今亦曰豨江東呼豨皆通名

豸獾

俗呼小獾

么

力最後生者俗呼為么豚

奏者羶

今羶豬短頭皮理腠蹙

豕生二縱二

二

師一特豬生子常多故別其少者之名所寢檜檜其所臥蓐四猶

皆白亥詩曰有豕白蹢蹢蹄也其跡刻絕有力貳即豕高五尺者

牝貳詩云一發五貳虎竊毛謂之號號貓有竊錢也詩曰有貓有虎

獬白豹似熊小頭庠脚黑白駁能舐食銅鐵及竹骨骨節強直中實少髓皮辟濕或曰豹白色者

別名獬魁白虎漢宣帝時南郡獲白虎獻其皮骨爪獺黑虎晉永

嘉四年建平秣歸縣檻得之狀如小虎而黑角深者為斑山海經云幽都山多玄虎玄豹狔無前

足晉太康七年召陵扶夷縣檻得一獸似狗豹文有異角兩脚即此種類也或說狔似虎而黑無前兩足鼠

鼠身長須而賊秦人謂之小驢似鼠而馬蹄一歲千斤





中有此獸狀如熊而小毛麇淺赤黃色俗呼為赤熊即麇也 獫狁類 羆虎爪食

人迅走 疾 後麇如 號 貓食虎豹 即師子也出西域漢順帝

時疎勒王來獻犂牛及師子 驪如馬一角不角 天子傳曰後狻日走五百里

者 馬 鹿 元康八年九真郡獵得一獸大如馬一角角如鹿茸此即驪也今深山中人時或見之亦有無

者 角 羆如羊 羆羊似吳羊而大 麇麇身牛尾一 角角橢出西方

角 角頭有肉公羊 猶如麇善登木 健上 羆脩 傳曰有麇而角

毫 毫毛 羆似狸 今羆虎也大 兕似牛 一角青色 長 如狗文如狸 重千斤

犀似豕 形似水牛豬頭大腹厚脚脚有三蹄黑色三 角一在項上一在額上一在鼻上鼻上者即

食角也亦而不犄好  
食棘亦有一角者

彙毛刺

今蝟狀似鼠

狒狒如人

被髮行走食人

梟羊也山海經曰其狀如人面長脣黑身有毛反踵見人則笑交廣

及南康郡山中亦有此物大者長丈許俗呼之曰山都

狸狐貍豨醜其足

蹠比皆有掌蹠其跡爪

爪指頭處蒙頌猱狀即蒙貴也狀如雌而小紫

黑色可畜健捕鼠勝於貓凡真日南皆出之猱亦獼猴之類

猱援便攀援援獮

父善顧

貊獮也似獼猴而大色蒼黑能獮持人好顧

威夷長脊而泥

泥少

麀麀短脰脰虎項有力

出西海大秦國有養者似狗多力獷惡

虞廷頭

今建平山中有虞大如狗似獼猴黃黑色多鬚鬣好奮廷其頭能舉石擲人獮類也

蝮印鼻而長尾

蝮似獼猴而大黃黑色尾長數尺似獼尾末有岐鼻露向生兩

即自懸於樹以尾塞鼻或以兩指江東人亦取養之為物捷健

時善築領

好登猩

猩小而好啼

山海經曰人面豕身能言語今交趾封谿縣出猩猩狀如獼狨聲似亦兒

啼

鬪波多狃

說者云脚鏡指未詳

### 寓屬

鼯鼠

地中行者

鼯鼠

以頰裏藏食

鼯鼠

有毒者

鼯鼠

夏正

鼯鼠

今鼯似鼯赤黃色大尾

鼯鼠

亦名鼯鼠

鼯鼠

亦名鼯鼠

鼯鼠

未詳

鼯鼠

山海經說獸云狀如鼯鼠然形則未詳

鼯鼠

形大如鼠頭似

兔尾有毛青黃色好在田中食粟  
豆關西呼為鼯鼠見廣雅音隹  
鼯鼠鼯鼠皆未詳

豹文鼯鼠  
鼠文彩如豹者漢武帝時得此  
鼠孝廉郎終軍知之賜絹百匹  
鼯鼠

今江東山中有鼯鼠狀如鼠  
而大蒼色在樹木上音巫覡

### 鼠屬

牛曰齧食之已文復出齧之  
羊曰齧今江東呼齧麋鹿曰

齧江東名咽為齧齧者鳥曰嗉咽中裏寓鼠曰嗉

頰裏貯食處寓謂獼  
猴之類寄寓木上

### 齧屬

獸曰豐

自奮

人曰橋

頻伸

魚曰須

鼓鰓

鳥曰

具

張兩翅皆氣體所須

須屬

釋畜第十九

騊駼馬

山海經云北海內有獸狀如馬名騊駼色青

野馬

如馬而小出塞外

如馬倨牙食虎豹

山海經云有獸名駮如白馬黑尾倨牙音如鼓食虎豹

騏蹄趺善陞甌

甌山形似甌上大下小騏蹄蹄如趺而健上山秦時有騏蹄苑

騏駼枝蹄趺善陞甌

騏駼亦似馬而牛蹄

小領盜驪

穆天

子傳曰天子之駿盜驪綠耳又絕有力駢即馬高八尺

膝上皆白惟馬四骹皆白贈骹膝下也四蹄皆

白首俗呼為踏雪馬前足皆白駢後足皆白拘前

右足白啓左傳曰啓服左白蹄前左脚白後右足白驤

左白馬後左脚白易曰震為馬足駢馬白腹驪駢赤色黑驪驪

馬白跨驪驪黑色跨解間白州驪州竅尾本白驤尾株

白尾白駢但尾毛白駢頰白顛戴星馬也白達素縣

素鼻莖也俗所謂漫驢徹齒面頰皆白惟駢頰額回毛在膺

宜乘

樊光云俗呼之官府馬伯樂相馬法旋毛在腹下如乳者千里馬

在肘後減

陽在幹第方幹

在背閔廣

皆別旋毛所在之名

逆毛

居駢

馬毛逆刺

駢牝驪牡

詩云駢牝三千馬七尺已上為駢見周禮

玄駒

裹驂

玄駒小馬別名裹驂耳或曰此即騶裹古之良馬名

牡曰騶

今江東呼駢馬為騶

音牝曰駢草馬名

駢白駢黃白驄

詩曰驄駢其馬

駢馬

黃脊驪馬黃脊

皆背脊毛黃

青驪駒

今之鐵驪

青驪驂

色有深淺班駢隱類今之連錢驄

青驪繫驪柔驪禮記

曰周人黃馬繫驪繫驪兩被毛或云美髯驪

驪白雜毛

今之鳥驄

黃白

雜毛不今之桃

陰白雜毛

駟陰淺黑今之泥駟

蒼白

雜毛

詩曰有駟

丹白雜毛

駟即今之赭白馬形赤

白馬

黑驪駱

禮記曰夏后氏駱馬黑驪

白馬黑脣駘黑喙駟

今

淺黃色者為駟馬

一目白瞶二目白魚

似魚目也詩白有驪有魚

既差

我馬差擇也宗廟齊毫

尚純

戎事齊力

尚強田

獵齊足

尚疾

### 馬屬

摩牛

出巴中重千斤

掣牛

即犂牛也領上肉掣肤起高二尺許狀如橐駝肉鞍一邊健行



者日三百餘里今交州  
合浦徐聞縣出此牛  
**擺牛** 擺牛庫小今之攷牛也  
又呼果下牛出廣州高

涼郡 **魏牛** 即犩牛也如牛而大肉數千斤  
出蜀中山海經曰岷山多犩牛  
**犩牛** 犩牛也解

膝尾皆 **撞牛** 今無  
有長毛 **摸牛** 未詳  
**角一俯一仰** 解

低 **皆踊** 今豎  
仰 **黑唇犍** 毛詩傳曰黃牛黑唇  
此宜通謂黑唇牛

**黑眚** 抽 眼皆黑  
**黑耳** **黑腹** **牧黑** **脚捲** 皆別

所在 **其子犢** 今青州呼  
犢為物 **體長** 長身  
者 **絕有力** 欣

**犴**

**牛屬**

食白... 手... 白黑

羊牡粉

謂吳羊白羝

牝羊

詩曰牝羊墳首

夏羊

黑羝

牡羴

黑羝也歸藏曰兩壺兩羴

牝殺

今人便以牝殺為白黑羊名

角不齊觜

短

一角二脊羴

羴角三迺 羴黃腹

腹下黃

未成羊

羴

俗呼五月羔為羴

絕有力奮

### 羊屬

犬生三狡二師一衛

此與豬生子義同名亦相出入

未成毫

狗

狗子未生乾毛者

長喙獫狁獨獠

詩曰載獫狁獨獠

絕有

力狔老狗也

詩曰無使老也吠

狗屬

雞大者蜀

今蜀雞

蜀子雞鷓子名

未成雞健

江東

呼雞少者曰健音練

絕有力奮

諸物有氣力多者無不健自奮迅故皆以名云

雞屬

馬八尺為駮

周禮曰馬八尺已上為龍

牛七尺為特

詩曰九

其特亦見尸子

羊六尺為羝

尸子曰大羊為羝六尺

彘五尺為貍

尸子曰大豕為貍五尺今漁陽呼豬大者為貍

狗四尺為獒

公羊傳曰靈公有害狗謂

之葵雞

三尺為鷩

陽溝巨鷩古之雞名

良羊

中祥

六畜

爾雅卷下

經凡一萬八百九言

注凡一萬七千六百二十言

將仕郎守國子四門博士臣李鶚書

鐵人萬八白六言



經籍訪古志

爾雅三卷

覆宋大字本 京都高階氏藏

晉郭璞注首載璞序每卷題爾雅卷幾郭璞注次行列書  
篇目每半板八行行十六字注雙行二十一字界長七寸五分  
幅五寸四分文字豐肥楷法端勁敬驚弘殷匡胤玄朗恒植  
真徵等字欠筆間有南宋孝宗時補刊桓邁慎三字欠筆  
卷末有經凡一萬八百九言注凡一萬七千六百二十八言二行  
及將任郎守國子四門博士臣李鶚書一行又有日兼題名及  
花押日兼蓋係藏人未詳按五代會要云後唐長興三年中  
書門下奏請依石經文字刻九經印板名能書人端楷寫出  
旋付匠人雕刻每日五紙宋王明清揮麈錄云後唐平蜀明宗  
命大學博士李鶚書五經敬其製作刊板於國子監中印書



右大字本爾雅末有博士李鶚書一行森立之訪古志據  
王明清揮麈錄定以後唐蜀本重雕當得其實唯釋詁注  
云倫理事務以相約敕阮氏校刊記謂事務以相四字係  
因疏語竄入其說似精若此果爲蜀本則在邢疏未作之  
先而注中亦同他本然則此四字本郭氏原文與又釋畜  
狗四尺爲獒注各本有尚書孔氏曰云云十五字此本獨  
無段茂堂云此非郭注後人所附益按單疏本標起止云  
注公羊至之獒是邢氏所據郭注無此十五字今以此本  
證段說若合符契則此詢爲蜀本矣或謂孔傳偽書爲郭



氏所不取此則非事實按釋鳥鼠同穴明引孔氏尚書傳云共爲雄雌足見郭氏時孔傳已通行於世矣按爾雅宋刻唯見於邵氏正義阮文達作校刊第引吳元恭仿宋本及元雪窻書院本至曾賓谷所刊繪圖本名曰宋刻實未足據馬諒本以下更無譏焉此間別有松崎復重刊北宋明道小字本又有明天順胡深等刊注疏本皆足以互相證驗而此本尤爲祖禰因刊之以貽習蒼雅者光緒癸未春正月楊守敬記

大清光緒二十六年春正月楊守敬記